



सानसेयारि बड'सा

सानसेयारि 'बड'सा' खरीरालाइयाव
स्मानज्यारि जिज्जो लोब्बा थानाय रायथाय, खन्थाय,
सल', सल'बाथा आरु बावबायारि थावनि, पार्क
बाइदिनि स्यायव लिन्नाय लिन्नाय दिशाय ठर!
सानसेयारि 'बड'सा' खरीरालाइया खेबखानै
फोस्वावगेल।
बड'सायाव लिन्नायनि हुबा खालाम,
'बड'सा' खरी नोथां, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 6 July, 2024 Kokrajhar, BTC, Assam ★ Vol.- 34, Issue No.101 R.N.I. Regd. No.40994/91, Assam Govt. Regd. No.IPRD.40/2006/3, ★ Rs.8/-

कक्राझार रेलवे स्टेशनआव सिनायै सुबुनि गोथे सह बोखानो मोन्दों

कक्राझार, 5 जुलाई: नागारो रोडे अखा हानाय आरो दै बानानि गोब्राब थासारिनि गेजेरावनो कक्राझार रेलवे स्टेशनआव सिनायै सुबुनि गोथे सह बोखानो मोन्नाय जाथाया ओन्सोल नाडेनो सोमोनांनय थासारि सोमजिहोदों। रेलवे बिबानगिरिआ मिथिहोनाय बादिब्ला कक्राझार रेल स्टेशननि 2 नं प्लेटफर्मआव मैया हरनि 11:55 रिगायाव गोलैनांनय थाया थासारियाव सासे सिनायै सुबुनि गोथे सहबो बोखानो हायो। थैनाय सुबुनि बेसोखो 45 बोसोर जागोनो होन्ना हमना लानाय जायो आरो आखाइ गोलाव सार्ट आरो हाफपेन्ट गान्नाय थासारियाव गोथे सहबो बोखानो हायो होन्ना रेलवे बिबानगिरिआ फोस्पायो। मख'नो गोनांदि, बोखानो मोन्नाय गोथे सहबो दासिमबो सिनायथिनो हायाखे।

गिबि मन्थिआ डिब्रुगड़ जिल्लानि दै बानाजों लोमसावजानाय ओन्सोलाव नायगिदिहैदों

राहा बादायाव थानाय सुबुंफोरनो गोनांथि जानाय अन्सुंथाय होनो जिल्ला बेंगिरिनो गिबि मन्थि ड० शर्माआ बिथोन होदों

दिसपुर, 5 जुलाई: गिबि मन्थि ड० हिमन्त विश्व शर्माआ दिने डिब्रुगड़ जिल्लानि गुबुन गुबुन जायगायाव नायगिदिहैनांनै दै बाना थासारिनि सायाव सुलु लाहैयो। गिबि मन्थिआ दासान्दि दै बानाजों लोमसावजानाय डिब्रुगड़ सहरनि एडस एस लामा आरो महालया लामाजों थाबायनांनै दै बानाजों भुगिजानांनय सुबुंफोरजों सावरायलायो। गिबि मन्थिआ दै बानाजों भुगिजानांनय रज्जो-रजाफोरनो खोथा होनांनै बुडेदि, दै रानलानाय लोमो-लोमो रोज्जो सरकार नालाफोरजों दैनि उदां बोहैलानायखौ रोक खालामनो थाखाय साखोन-



सिखोनजों लोमोसे गोनांथि बायदियै राहा लागोन। गिबि मन्थिआ खवानि बायनाय माथावरिखौ नायगिदिहैनायजों लोमोसे बेनि जाडनाव जानाय खहाफोरखौबो सुलु लाहैयो।



गिबि मन्थिआ दै बानाजों खहा बुडेदि, बे बायनाय माथावरिखौ गोखोंसिन खालामनो थाखाय जानाय सुबुंफोरजों सावरायनांनै थाबेनो फोसाबनायनि अनगायैबो थांखि लागोन। गिबि मन्थिआ

लोब्बा गोनां बिफाननि बिबानगिरिफोरखौ रि बान्दो लुनायनि अनगायैबो गाहाइ माथावरिखौ गोखोंसिन खालामनो बिथोन होयो। गिबि मन्थिआ पन्नायत आरो गामि जौगाखां मन्थि रन्जित कुमार दास आरो एमएलए चक्रधर गौखौ दै बानाजों खहा जानाय सुबुंफोरनो मदद होनो थाखाय माथावरिखौ फोसाबनायनि खामानिखौ नायगिदिहैनाय होयो। दिनेनि बे नायगिदिहैनाय समाव दै फुंखा मन्थि पियुष हाज 'रिका, पन्नायत आरो गामि जौगाखां बायदि बिफाननि मन्थि (□ 5 बिलाइआव)

कारिगावआव कक्राझार सहरसिम बरायनाय गेटनि अन्थाइ खाम्फा गायसन्दों

बि टि सिनि सिदली विधान सभा बियाबनि उफ्रा बिसायख 'थिआ इउपिपिएलनि थाखाय गोब्राब नडा: प्रमद

कक्राझार, 5 जुलाई: बिटिसियाव दानिया बिपिएफनि थामोथा गैया। बे बाभ्राखौ बुदों इउपिपिएल दोलोनि आफादगिरि आरो बिटिसिनि गाहाइ मावफुं सोद्रोमा प्रमद बर'आ। मख'नो गोनांदि, रज्ज्योनि मोनबा विधान सभा बियाबनि उफ्रा बिसायख 'थिखौ लानानै बिटिसिनि गाहाइ मावफुं सोद्रोमा प्रमद बर'आ बुडेदि, उफ्रा बिसायख 'थिखौ लानानै इउपिपिएल दोलोया जिगासिनो



गोनां गैया। दोलोआ बिटिसि जौगाथायनि थाखाय जेसेबा

सुसांदों, बेनि थाखायनो सिदली बियाबनिफ्राय दोलोआ गोबां भटजों देरहानाय रोखा होनांनै बिथाडा बुडे। लोमोसे उफ्रा बिसायख 'थियाव सिदली बियाबाव 60-70 रोजा भटनि फाराग'थियाव इउपिपिएल दोलोआ देरहानो होनांनै प्रमद बर'आ बुडे। बिथाडा बिपिएफ दोलोखौ सों खारिनानै मोनफ्रोमबो बिसायख 'थियावनो बिसोर जेनबोदों आरो फैगो (□ 5 बिलाइआव)

मोनसे गोजों इयुननि थाखाय गियानखौ नांगौ रोखोमै बाहायनांगौ: प्रमद बर'



कक्राझार, 5 जुलाई: एनटिपिसि, सालाकाटिनि मोनसे बाखायथाव मावथांखि। बे मावथांखिआ जाबाय गार्लस इम्पावारमेन्ट मिसन। जाय

थाखाय बायदि बायदि बिथिडव फोरोंथाइ होनायनि गेजेरजों सांग्रांथि लाबोनाय जायो। सिगां बोसोरनि बायदिनो देरलायबो सालाकाटि एनटिपिसिआ गार्लस इम्पावारमेन्ट मिसननि गेजेरजों

सा 40 हिन्जावसा फरायसुलिफोरखौ गोहो गोर आरो गियान जौगाहोनायनि थाखाय सोलोंथाइ, देहा सांग्रांथि, गाव-रैखाथि फोरोंथाइ, दाजाबथाइआरि आरिमु आयदानि (□ 5 बिलाइआव)

तामुलपुरआव गारि लाखिनानै रां दाबिग्रा सा 7 लाइमोनफोरजों लोमोसे गंनै गारि हमदों



तामुलपुर, 5 जुलाई: तामुलपुरनि राजा लामायाव गारि लाखिनानै रां दाबिग्रा सा 7 लाइमोनफोरखौ खानायजों लोमोसे रां दाबिनायाव बाहायनाय गंनै गारिखौ तामुलपुर पुलिसआ हमो। मिबथिनाय बायदिब्ला, थानाय माखासे सान सिगां तामुलपुर-उदालगुरि लामानि कसुबारिआव फुनि समाव माखासे (□ 5 बिलाइआव)

लोरगि थियेटार ग्रुपनि बान्जायनायाव गथ 'फोरनि थुनफावथाइ मावबादा खुंदों

कक्राझार, 5 जुलाई: गोलोम बोथोरनि फरायसालि बन्द समाव उन्दै-उन्दै फरायसुला-फरायसुलिफोरखौ गोलेनांनै ओरौनो सम बारहोआलासेनो गुबुन उफ्रा सोलोंथाइआव मुखुवै लाखिनानयनि नोजोरजों कक्राझारआव गायसनजानाय मोनसे मुंदांखा हरिसु हान्जा लोरगि थियेटार ग्रुपआ बोसोरफ्रोमबो उन्दै-उन्दै फरायसुला-फरायसुलिफोरखौ लानानै बायदि आयदानि सायाव फोरोंथाइ मावबादा खुंबोदों।



जर'खायै गथ 'फोरनि गावआरि गियान जौगाहोनाय, दैदेनगिरिनि गुन सोरजिनय, फाव थालामनाय, जेना बोस्त्रानाय,

दाजाबथाइआरि खामानि मावनानै दिन्थिनय, गावआरि जौगाथाइ, नख'र आरो समाजजों गोरोबनाय आरो सोलोंथाइनि (□ 5 बिलाइआव)



सायाव उन्दै समनिफ्रायनो रेंखा-राखा, बुजिनो हानाय खालामनायनि थांखिजों लोरगि थियेटार ग्रुपआ बेबायदि फोरोंथाइ मावबादा हावाफारिखौ लाबोदों। देरलायबो सन्जिब कुमार ब्रह्मनि दैदेन्याय लोरगि थियेटार ग्रुपआ कक्राझार सहरजों नांजाबनाय 675 नं टेडापारा गुदि फरायसालिआव 8 निफ्राय 14 बोसोर बेसोन गथ 'फोरखौ लानानै गोलोम बोथोरनि गथ 'सा थुनफावथाइ मावबादाखौ लानाय (□ 5 बिलाइआव)

सालबारिनि फातेमाबाद साहा बागानाव साहा मावफारियाफोरा गोखों खुद्रिसारदों

सालबारी, 5 जुलाई: बावसा जिल्लानि सालबारि महकुमानि सिडव थानाय एबा मुलुग दांखा मानस माहारियारि हाग्रामाजों नांजाबनानै थानाय बासबारिनि फातेमाबाद साहा बागानाव दिने बागाननि साहा मावफारियाफोरा गावसोरनि मोन्नांगो मोन्थायखौ दाबिनानै गोखों सोमावसारो। सम-सम गावनि मोन्नांगो मोन्थायखौ दाबिनानै सोमावसारनाय हाबाफारि खुंबोनाय बायदिनो दिनेबो साहा मावफारियाफोरा आखाइ-आखाइ प्लेकार्ड, बेनार



लानानै सोमावसारनायनि गेजेरजों मावफारियानि दाबिखौ

गनायनांगोन, मावफारियानो (□ 5 बिलाइआव)

कक्राझार, 5 जुलाई: हादतनाडै खुंजानाय लकसभा बिसायख 'थिनि राजखान्थियारि दोहोआ जोबनायनि उनावबो बिटिआर हालामाव गुबुन मोनसे राजखान्थि दोलोनिफ्राय गुबुन राजखान्थि दोलोआव बास्लायनाय, जडन जानायफोरा सोलिबाय थानायखौ नुनो मोन्दों। बिटिआरनि सिडव थानाय जरखायै कक्राझार लकसभा बियाबआव इउपिपिएलनि बिजाथि जयन्त बसुमारिआ लकसभा बिसायख 'थिआव देरहासार

सा 150 नि बांसिन बि पि एफनि सोद्रोमाफोरा इउपिपिएलआव हाबफैदों



जानायनि उनाव इउपिपिएल दोलोनि गोहोआ बांसिन जादों। लकसभा बिसायख 'थिआव

इउपिपिएल दोलोनि बिजाथिआ देरहासार जानायनि उनाव बिपिएफजों लोमोसे गुबुन गुबुन

राजखान्थि दोलोफोरनि दैदेनगिरि, सोद्रोमा आरो (□ 5 बिलाइआव)

भबानिपुर दखरा फरायसालिमानि बान्जायनायाव फिजिक्स आयदानि सानथमनि अनलाइन जथुम खुंदों

भबानिपुर, 5 जुलाई: भबानिपुर दखरा फरायसालिमानि फिजिक्स बिफाननि बान्जायनायाव, फरायसालिमानि आइ किउ एसि आरो रिसार्च आरो जौगाखां सेलनि हेफाजाबाव सानथमनि हाबाफारिजों खुंनय 'फिजिक्स फ्रन्टियर-2024' आयदानि अनलाइन जथुमआव मैया (□ 5 बिलाइआव)

सुजुगिरिनि खोलोम

जौ-जुवाया समाजखौ बेंगुरा खालामो

मिबथिस्ताबै समाव बाइदिसिना जाहोन आरो फोबोनि समफ्राव लोगो लोब्वानि गेजेरजों रंजानाय-बाजानाय आरो दिखार दाहानि समफ्राव फेग्रा मुवा जानाय, लोनायनि हुदाया लाइमोन फोलेरखौल' खैफोदिनि बांग्रि ख'बाव खोख्लैयाखै-समाजनि गासै थाखोयावनो अलखद लाबोदों। आथिकालाव फेग्रा मुवा बाहायनाया जैरै बांबोदों बिबिदो बेनि ज'गायनायाबो सानफा एफा एरलाबबोदों।

जौखौ गाग्रिनि अनगायै रावबो मोजा बुड, बुंबोयाखै। जायखौ जौसाय होन्नानै बुडो बे जौसायाबो जौखौ मोजा होन्नानै बुडा-बुंगोनसो गोसा, गोखै, सायनाय, गोले, गोरा, नोरोम खामनाय बाइदि बाइदि। नाथाय जौखौ गाग्रि होन्नानै बुंगा मानसि नागिरनाय मोन्नाय नडा जायफ्रा जौखौ लोफेराखै। बेजों गोरबनाय गौतम बुद्ध बोसोन होनाय-नोनि गथ'नो आं जिउ होफिनो हागौ, होफिनगोन, नाथाय नों बै गामिनि नख'रफ्राव सोंहें, बेनिफ्राय खिन्धाफै बबे नख'राव सासेबो मानसि थैयाखै। -गथ' थैजानाय बिमाया सासेबो मानसि थैफेरै न'खर नाइगिरनाय मोनाखै। बेनि ओंथिया बेनो मानसिया बेराम-आजार जानानै, बोरायनाय थैखायो-बेयो अराय सैथो। नाथाय रायखानांगौया बेसोदि-लोमजानाय, बेराम-आजार सोखानो दिहुनाय मुलिफ्राव एलक'हल थाफायो। थानाथै थासान्दियाव लोमजाफेरै मानसि नागिरनाय मोन्नांगौया गोब्रा। बे बिथिडै मानसिनि देहायाव एलक'हल मुवाया हाबफाखायो।

बेराफासै जौखौ बर' हारिमुनि एंगारथावयै बाहागो होन्नानै सान्नाय जायो। बोथोरनि बैसागु दमासि फोबोया दंखायो, थाबाय थागोन बर' हारिया जेसे गोबाव जोरगोन। बेनि अनगायैबो हाबा-खेराय जेरावबो जौ बाहायनाय जायो। नाथाय जेनाया नुजादों गोबाद्राय बाहायनायनि जिबाउनावसो, जानाय लोनायनि थाखो आरो पर्दा गैयैयावसो। बोथोर बादालि, फोबोफ्राव फेग्रा-मुवा बाहायनाय आरो जगायनाय फासै समाजनि गोरों गोरों, राइजो-राजाफ्रानो होबथानाय आरो थि बाहायनायनि राहा लानासिगौ इयुन जौलैसाफोरनि गोगो इयुननि थाखाय।

दिनैनि फान्जामुधि

राशि बाइदियै मुनि गिबि हांखो

मेघ : अल वृष : ऊब (उ ए इ) मिथुन : क छ (ड ष)
 कर्कट : ड ह सिंह : म ट कन्या : प ट (ण ष)
 तुला : त र बुश्चिक : ब न धनु : ध भ (ढ फ)
 मकर : ख ज कुम्भ : ग श (स) मीन : द च (ख ज झ)

- मेघ:** माबाफोर गाग्रि जेनायाव गोलेबायनो हागौ। जैरैबो सांग्रां जानांगोन।
- वृष:** जेरावबो सन्मान मोनै जालानो हागौ। गोसोआव गाग्रि मोन्नाय सोमजिनो हागौ। गोसोखौ हमथा।
- मिथुन:** माखौबा लानानै रगा जौनाय, दुंहाव थासारि सोमजिनो हागौ। जेखि जाया गोसोखौ हमथाना था।
- कर्कट:** जेथिबो गोहो-बोलोखौ मोन्नो हागोन। गोजेनै सम बारहोनो हागोन। मोजां सान।
- सिंह:** जैरैबो सुखुखौ मोन्दांनो हागोन। नख'रआ जौगानाय फेगोन। मोजां सान।
- कन्या:** बायदिसिना जाथाइफोरखौ लानानै जिंगा सिनांनो हागौ। गोसोखौ हमथा।
- तुला:** संसार जानायाव दावराव-दावसिफोर जानो हागौ। सोरजोबाफोर सोमोन्दो गावसालायनाय जानो हागौ।
- बुश्चिक:** जेखियानो जाया शुभ खामानि मावनानै लानो हागोन। बे राशिनि थाखाय गाहाम सान।
- धनु:** नख'रआव मानिबा थाखाय गोजोनाय गैयै मोन्नो हागौ। जेखि मावा शान्ति मोन्नाय नडा।
- मकर:** मोजां खामानि मावलानो हानानै थुलुंगानाय मोन्नो हागोन। फारफ्रोमथिबो मोजां।
- कुम्भ:** मानिबा थाखाय जिंगा सिनांनो हागौ। गोजोनाय गैयैजों सम बारहोनांगोन।
- मीन:** जेखि मावा फालांगिआव रंखावरि मुलाफ्रा मोन्नो हागोन। गोजोन मोनगोन।

बिएसएफआ भारत-बांग्लादेश सिमायाव गं 7 धनकुबेर जब्द', 9.6 किल 'ग्राम सना आरो 11.5 लाख नोगोद रां बोखांदों

गोदान दिल्ली, 5 जुलाई: बिएसएफआ भारत-बांग्लादेश सिमायाव गोबां जाफुंसार जानो हादों। बिएसएफ आरो डिआरआइनि मोनसे जाफुंसार जथाय अपारेसनाव रेखाथि हान्जाया 11.5 नोगोद रां आरो 6.86 कौटि रांनि 9.6 किल 'ग्राम सना फालांगि खालामग्रा सुबुफोरखौ हमनो हायो। रेखाथि हान्जाया बे जाथायजों लोब्वाना थानाय गासैबो सिखाव फालांगिरिफोरखौ जाथाय जायगानिफ्राय खाबाय। खौरानि बायदिल्ला, खोला बेंगल फ्रन्टियारनि सिडव नादिया जिल्लायवा थिसनजानाय 68 बेटालियाननि बिएसएफ जवानफोरा डाइरेक्टरेट अफ रेभिनिड इन्टेलिजेन्स (डिआरआइ) जों मोनसे जथाय अपारेसन खालामदोंमोन। अपारेसननि समाव रेखाथि हान्जाया सिमानगरनिफ्राय फारियै सा 7 सिखाव फालांगिरिफोरखौ खादों। रेखाथि हान्जाया बिसोरनिफ्राय 9.572



किल 'ग्राम गिलिरिनि गं 16 गथा सना आरो गंसे सनानि बिस्कुट आरो नोगोद 11,58,500 रां आरो सना दैथायहरनायाव बाहाय जानाय गंसे मारुति इक कार बोखांदों हायो। जब्द खालामनाय सनानि गासै अनुमान खालामनाय बेसेना 6,86,23,582/- रां। खौरानि बायदिल्ला, बे जाथाया 4 जुलाई, 2024 आव जादोंमोन। बे समावनो फुनि 05.30 रिगानिफ्राय 9 रिगानि गेजेराव बे अपारेसनाव

इन्टेलिजेन्स बिफानजों सना सिखाव फालांगिनि खौरांखो रानलायदोंमोन। खौरां मोन्नाय बिएसएफ आरो डिआरआइनि 68 बेटेलियाननि मोनसे जथाय हान्जाया सिमानगर ओन्सोलाव रायजो राजालामा नं 11 आव गोखों संदानाय हाबाफारि लादोंमोन। बे समावनो फुनि 05.30 रिगानिफ्राय 9 रिगानि गेजेराव बे अपारेसनाव

हंसफोरा गंसे सन्देह' गोनं मारुति इक' कारनिफ्राय 4.8 किल 'ग्राम सनाजों लोगोसे सानै सिखाव फालांगिरिफोरखौ हमदों। बेनि उनाव नागिरनाय समाव 4.82 किल 'ग्राम सनाजों लोगोसे सा 4 गुबुन सिखाव फालांगिरिफोरखौबे

खानाय जादों। गुबुन मोनसे अपारेसनआव गिबि सोंनाय फिन्नायाव मोन्नाय खौरानि सायाव बिथा खालामनानै करीमपुरनि रामनगर गामियाव मोनसे सन्देह' गोनं न'आव नागिरनाय समाव गंसे सनानि बिस्कुट आरो 11,58,500 रांनि आयेन बेरेखा नोगोद रांजों लोगोसे सासे सुबुखौ खानाय जादों। हमजानाय गुबे सिखाव फालांगिरिफोरखौ नादिया जिल्लानि तेपुरनि थागिरि रफिक मन्डल (मुं सोलायनाय) होन्ना सिनायथि होदों। सा 6 गुबुन सना सिखाव फालांगिरिफोरखौ लाल, रबि, प्रदीप, दाऊद, सिमान्त आरो बिट्टु (गासैबो मुं सोलायनाय) महैर सिनायथि होनाय जादों। गासैबो सोनाब बेंगलनि नादिया जिल्लानि। सोंनाय फिन्नायाव रफीक मन्डला (मुं सोलायनाय) बुंदोंदि, गाव गोबाव समनिफ्रायनो सना फालांगिजों लोब्वाना दंमोन आरो बे

आरबिआइआ बिएमसिआ बेंकनि हेंथारै एक्सन लादों



गोदान दिल्ली, 5 जुलाई : भारतयारि रिजार्ब बेंक (आरबिआइ) आ नेम-खाथि फालिनायखौ लानानै गोखों राहा आजावना लादों। आरबिआइआ वाराणसीनि बानारास मार्केन्टइल क-अपारेटिभ बेंकनि लाइसेन्सखौ केन्सेल खालामना होयो। आरबिआइनि गेजेरजों फोसावनाय साकु'लारनि बायदिल्ला बेंकनि गेजेरजों 99.98 जौखोन्दो जमा दोनग्राफोरा ज'मा बिमा आरो क्रे डिट गेरेन्टि निगम (डिआरसिजिसि) निफ्राय

गावसोरनि ज'मा खालामनाय रांनि गासै रांखान्थिखौ मोन्नायनि मोन्थाइ दड उत्तर प्रदेशनि क-अपारेटिभनि कमिसनार आरो क-अपारेटिभ कमिटिफोरनि रेजिस्टारफोरखौ बेंकखौ बन्द' खालामनायनि बिथोन फोसावनो आर'ज गावदों। बे बेंकनि बाहायगिरिफोरा गावबा गावनि डिपजिट रांखान्थिनि थाखाय क्लेम खालामनो हागोन। बे बोसोरनि थानाय 30 ए पि ल स मा व डिआइसिजिसिआ बेंकजों सोमोन्दो थानाय ज'मा दोनायफोरनिफ्राय मोन्नाय मिर्जिनि सायाव बिथा खालामनानै नेम-खाथिनि गेजेरजों गासै जमानि 9.25 कौटि रांखौ सिगाडावनो होखांबाय।

तेलेंगानायाव बिआरएसनि सा 6 एमएलएफोरा कंग्रेसआव हाबो



हाइद्राबाद, 5 जुलाई : तेलेंगानायाव भारतनि राष्ट्र समिटि (बिआरएस) नि एमएलएफोरा पार्टी नागरना कंग्रेसआव हाबनाया सोलिगासिनो। बिआरएसनि 6 बिधान परिषद एबा एमएलसिआ बृहस्पतिवार मोनायाव तेलेंगानानि खुंथायाव थानाय पार्टीआव बाहागोयारि जायो। गिबि मन्थि रेबन्त रेडडीनि नुजाथिनायाव बिसोर गासिबो सा 6 एमएलसिआ कंग्रेसआव हाबो। कंग्रेसआव हाबनाय एमएलसिफोर जादों, दान्डे भितल, भानुप्रसाद राव, एमएस प्रभाकर, बग्गापारु दयानन्द आरो एग्गे

मल्लेशम। मख'जाथावदि, 28 जुनआव चेभल्लानिफ्राय भारत राष्ट्र समिटिनि एमएलए काले यादैया कंग्रेसआव हाबदोंमोन। तेलेंगानाआव ज ग ति य ा ल नि फ ा य बिआरएसनि एमएलए सन्जय कु मारआ रबिबारखालि कंग्रेसआव हाबदोंमोन। फारसेथिं बेनि सिगां बिआरएसनि गागि एमएलए आरो बारग' बिधानसभानि बुंथिगिरि पचराम श्रीनिबास रेडडीआ 21 जुनआव कंग्रेसआव हाबदोंमोन। बेनि सिगां बिआरएसनि एमएलए कादियाम श्रीहरि, दानम नागेन्दर आरो टेलम वेंकट राव बिथामोनहा खुंथायाव थानाय कंग्रेसआव हाबदोंमोन। दराबादनि महापौर भिजया लक्ष्मी आरो गडवालजों लोगोसे माखासे गुबुन बिआरएस दैदेनगिरिआबो कंग्रेसआव हाबदों। तेलेंगाना बिधान परिषदनि वेबसाइटनि बायदिल्ला बिआरएसनि सा 25 सोद्रोमाफोर दड। फारसेथिं कंग्रेसहा सा 4 सोद्रोमा एमएलसिनि सा 6 दैदेनगिरिफोरा पार्टी सोलायनायजों बिधान परिषदआव कंग्रेसनि सा 10 एमएलसि दड। सुलु'नि बायदिल्ला, फैगौ सानफोराव बिआरएसनि गुबुन माखासे दैदेनगिरिफोरा कंग्रेसआव हाबबावनो हागौ।

एडसडिएफसि बेंकआ शेयारआव गोबां दावख्लायदों



गोदान दिल्ली, 5 जुलाई: एडसडिएफसि बेंकआ भारतनि बयनिखुइ देरसिन बेंक। दिने एडसडिएफसि बेंकनि शेयारआव दावख्लायनायखौ नुनो मोन्नाय जायो। बे सप्ताहयाव एडसडिएफसि बेंकनि शेयारआ अल-टाइम हाइयाव सौहैदोंमोन। खौरानि लिरनाय समाव एडसडिएफसि बेंकनि शेयारआ 72.65 रां एबा 4.21 जौखोन्दो दावख्लायनानै मोनफ्रोम

शेयारआव 1,654.50 रांआव फालांगि खालामगासिनो दडमोन। एडसडिएफसि बेंकआ स्टक एक्सेन्जो गिबि 3 दाननि गेजेराव बेंकनि ग्रथआ हमदंनानयनिफ्राय खम जादों होन्ना फोरमायदों। माखासे ब्रकरेजनि बायदिल्ला, इन्भेस्मेन्ट खालामग्राफोरनिफ्राय खम दावखोनयनि जाहोनाव शेयारआव दावख्लायनाय फेदों। बे सप्ताहयाव जेब्ला एडसडिएफसि बेंकआ एमएससिआइजों लोब्वाना थानाय

आगुनि अस्त्रांमा सान्थि गाहाइआ राहुल गान्धीखौ सौंखारिदों

गोदान दिल्ली, 5 जुलाई: भारतआरि अस्त्रांमा सान्थिनि आगुनि गाहाइ आरो बिजेपि दैदेनगिरि आरकेएस भदौरियाआ थानाय बृहस्पतिवारखालि अग्निपथ बिथांखिनि सायाव सौंथि दिखानायनि थाखाय कंग्रेस दैदेनगिरि राहुल गान्धीखौ गोखों रावजों सौंखारियो। लोगोसे बियो रेखाथि मन्थि रजनाथ सिनि सायाव डिउटिनि समाव जिउ गोमानाय अग्निवीर अजय कुमारनि नख'रफोरनो अन्सुथाइ होनायनि सोमोन्दै नंखाय बुंनानयिन दाय जाबसिन्नायनि थाखाय निमाहा बिनांगो होन्ना दाबि दैखादों। बिथानि बे बिबुंथिआ भारतआरि सान्थिनि गेजेरजों इन्टरनेट मिडिया पस्टआव खालामनाय



बै दाबि दैखानायफोरखौ नेवसिगारनायनि सानसे उनाव फेयो, जेराव डिउटिनि समाव जिउ गोमानाय अग्निवीर अजय कुमारनि नख'रफोरनो अन्सुथाइ होयाखै होन्ना बुंदोंमोन। बेराफारसे सान्थिफोरा बुंदोंदि, बिनि नख'रफोरनो होनो गोनं रांखान्थिनि गेजेराव 98.30 लाख रांखौ सिगाडावनो होखांबाय। बिसोरनो गासै 1.65 कौटि रां होनाय जागोन। मख'नो गोनानि, राहुल गान्धीआ अजयनि केसखौ फोरमायनानै गावनि पस्टयाव दाय जाबसिन्दोंमोनिदि, रेखाथि मन्थि रजनाथ सिआ जिउ बाउनाय अग्निवीरनि नख'रफोरनो अन्सुथाइ होनाय आयदानि सायाव संसदआव नंखाय बाश्रा बुंदों आरो बेनि थाखाय निमाहा बिनांगो। भदौरियाआ राहुलनि मुं लाया जासे बुजेदि, अग्निवीरनि सायाव संसदआव गोबां सावरायनाय जाबाय। आथिखालाव बेयो गोबां जेना सोमजिहोगासिनो दड। बेनिखायनो बियो बेनि थाखाय निमाहा बिनांगो। मानोना अजयनि नख'रफोरनो गासै 98 लाख रां सिगाडावनो होखांबाय आरो उनाव 67 लाख रां होबावनाय जागोन। बेनिखायनो राजनाथ सिनि बिबुंथिया नंखायमोन होन्ना दाबि दैखानाया थारैनो गोरोन्थि।

No.E-267181/361

NOTICE

It is for information to the 8 Nos. of candidates recommended against the Persons with Benchmark Disability (PwBD) category amongst the 307 Nos. of candidates recommended for recruitment to the post of Junior Engineer (Civil) under the Joint cadre of Public Works Roads Department (PWRD) and Public Works (Building & National Highway) Department (PW(B&NH)D) as per the recommendation of the Assam Public Service Commission (APSC) vide their letter No. 66PSC/CON/Exam-52/2019-2020 Dated 12.06.2024., that they are to appear before the Medical Board constituted by the Principal cum Chief Superintendent, Guwahati Medical College & Hospital for Medical Examination and Examination of PwBD status as per the schedule below:

Venue : O&G Academic Hall, 1st floor
Guwahati Medical College & Hospital,
Bhangagarh, Guwahati-32

Date : 09.07.2024
Time :10:00 AM onwards

Further, the 8 Nos. of candidates recommended against the Persons with Benchmark Disability (PwBD) category are hereby directed to bring all their documents in original for document, verification, and, to submit the Notarized Affidavit, as per the Personnel (B)Department's O.M. No.ABP.78/2021/01, dtd. 18.11.2021 as per schedule below:

Venue: Establishment-B Branch, Public Works Roads Department
B-Block, Ground Floor, Janata Bhawan
Dispur, Guwahati-06

Date : 09.07.2024
Time : 3:00 PM onwards

Sd/-
Spl. Commissioner & Spl. Secretary to the Govt, of Assam
Public Works RoadsDepartment
Dispur, Guwahati-06

Janasanyog/D/2221/24/6-Jul-24

भारत 2023-24 आव रैखाथि दिहुथाइनि बेसेनाव दासिमनि बयनिखुइबो बांसिन बांनायखौ दिखंदों

गोदान दिल्ली, 5 जुलाई: रैखाथि मन्थि राजनाथ सिंहआ शुक्रवारखालि बुडोदि, हादतआ 2023-24 याव रैखाथि दिहुथाइनि बेसेनाव दासिमनि बयनिखुइ बांसिन बांनायखौ दिखंदों आरो मेड इन इन्डिया हाबाफारिया गोदान माइल खुन्थियाखौ बारगासिनो दह। बिथाड बुबावदोदि, सरकारआ भारतखौ मोनसे जौगाखां मुलुगयारि रैखाथि जोन्थोर बानायफिनग्रा महरै जौगाखां होनो थाखाय साबसिन बेबस्था खालामनो थाखाय थियारि जादों। बिथाड बुंदों, गाहाइ मन्थि नरेन्द्र



मदिनि दैदेनायाव मेक इन इन्डिया हाबाफारिया बोसोर नाडे बोसोर गोदान माइल खुन्थिया बारहासिनो दह। बिथाड एकसआव बुडोदि, भारतआ 2023-24 आव रैखाथि दिहुथाइनि बेसेनाव बयनिखुइ बांसिन बांनायखौ

दिखानो मोन्दों। बे बोसोरार दिहुथाइनि बेसेना 1,26,887 कौटि रसिम सौहेंदों, जाय थानाय रंखाथि बोसोरनि दिहुथाइनि बेसेननिखुइ 16.8 जौखोन्दों बांसिन। गावनि परस्टआव बिथाड बेनि थाखाय भारतआरि उडगफोरनो हामलायथि बाउहरदों।

सिमला, 5 जुलाई: हिमाचल प्रदेशआव गोबां अखा हा खुरखानायजों 77 लामा होबथानाय जादों। बेजों लोगोसे अखानि जाहोनाव 236 मोब्लिब ज'गायना होनाय बिथांखिफोर आरो 19 दैनि ज'गायना होनायखौबो होबथानाय जादों। बिबानगिरिफोर बेनि खौरंखो होदों। हिमाचल प्रदेशआव गोबां अखा हानायखौ नुनानै खुंथाइनि सुबुंफोरखौ दैसा आरो हाखरफोरनिफ्राय जानगाराव थानो थिन्दों। अखानि थाखाय होबथानाय बांसिन लामाफोर



माडि जिल्लायव। बेवहाय गासै 67 लामाफोरखौ बन्द' खालामनाय जादों। चम्बा जिल्लायव सप्त, कांगड़ा लाहौल आरो सिमलायाव मोनसे-मोनसे लामाया होबथानाय दह।

बिबानगिरिफोरनि बायदिल्ला लाहौलआव जिगजिगबानि साखाथियाव दै बानानि जाहोनाव दारचानिफ्राय सरचुसिम सफैनाय लामाया बन्द' जाना दह। फारसेथि कांगड़ायाव अखानि जाहोनाव

दालांआ गोजावलांनयनि थाखाय लामाया बन्द' जाना दह, गोदान दालांआ जुलाइसिमआव लुफुंजानायनि आसा दह। लोगोसे मन्डियाव मोब्लिब ज'गायना होनायाव बयनिखुइ बांसिन जे'ना

जानायखौ नुनो मोन्दों। रोजा अखा हानायनि जाहोनाव बृहस्पतिवारआव राइज्योआव 115 लामाफोर बन्द' जाबाय। बोथोर बिगियानआ शुक्रवारसिम राइज्योनि थाखाय अरेन्ज एलाट फोसावदों, जेराव अ। ल। द। - अ। ल। द। जायगाफोरार बारहुंखा आरो अखा मोफ्लामनायजों लोगोसे रोजानिखुइ जोबोद रोजा अखा हागोनखौ सांग्राथि होदों। बृहस्पतिवारार कटौला (मन्डि) आव 15 सेमि, पन्डह (मन्डि) आव 11 सेमि आरो सुजानपुरडिआव 8 सेमि अखा हागोनखौ फोसावदों। बोथोर बिगियानआ सप्ताहनाडे गोबां अखा हागोननि येल' एलाटबो फोसावदों।

तेलेंगानायाव बिआरएस सरकारनि समाव जाजनि नख'रनि सायाव नोजोर लाखिदों

हाइड्राबाद, 5 जुलाई: फन पेटि केसनि दायनिगिरिफोर तेलेंगानानि थानाय भारत हादत कमिटी (बिआरएस) सरकारनि मावख'आव हाइकर्टनि सासे बिजिरगिरि आरो बिनि नख'रजों लोगोसे माखासे राजखाथि दैदेनगिरिफोरनि मबाइल फननि सायाव नोजोर लाखिदोंमोन। हाइड्राबाद पुलिसा तेलेंगाना हाइ कर्टआव थिसननाय फिननायनि हालफनामायाव बे बाश्राखौ दाबि देखंदों। पुलिसआ बे बाश्राखौबो बुंदोंदि, दायनिगिरि पुलिस बिबानगिरिफोर कंग्रेस दैदेनगिरि आरो गिबि मन्थि ए. रेवन्त रेडडी आरो गुबुननि फन नाम्बानि सिडिआर आरो आइपिडिआरखौ मोन्दोंमोन। बेनि बाइदिल्ला, दायनिगिरिफोरा रेवन्त रेडडीनि नख'रनि सोद्रोमाफोर, सोमोन्दो थानाय सुबुंफोर आरो पार्टी हेफाजाबगिरिफोरनि प्रफाइल थियारि खालामदोंमोन। हाइड्राबाद पुलिसा एसआइबिनि सास्पेन्ड जानाय डिएसपि, एसपि आरो आगुनि पुलिस कमिसनारजों लोगोसे सा 6 नि हेंथायै अजदलाइ थिसनो। बे बिबानगिरिफोरखौ थानाय 13 मार्चआव गुबुन-गुबुन इलेक्ट्रिक गेजेटनिफ्राय डेटाखौ फोजोबनाय आरो आगुनि



बिआरएस सरकारनि हाबा मावनाय समाव फन टेपिनि दायव ग्रेटर खालामदोंमोन। पुलिसा थानाय बुधबाखालि हाइ कर्टआव हालफनामा थिसनो। बिजिरसालिया खेंफोरथिखौ लानानै फन टेपि केसनि हियारि होगासिनो दह। शहरारि पुलिसा फोरमायनाय बायदिल्ला, एसआइबिनि खारखोमानानै थानाय आगुनि

गाहाइ टि. प्रभाकर रावआ बै समनि खुंथायाव थानाय दोलो आरो बिनि दैदेनगिरिफोरनो मुलाम्फा होनाय थांखिजों प्रभाकर राजखाथियायि नोजोर होनायजों लोब्बा थानाय हाबाफारिफोरनि थाखाय एसआइबियाव रिक्ट गैया जासे जर'खा हाबाफारि सालायना दोलो दायो। बेयाव बुंनय जायोदि, एसआइबिनि सास्पेन्ड

खालामजानाय डिएसपि डि, प्रणित कुमार उर्फ प्रणित राव आरो बिनि टीमआ रोजा-रोजा सुबुंफोरनि प्रफाइल थियारि खालामदों। हालफनामानि बायदिल्ला, दायनिगिरिफोरा गोसो जानानै गासै टेपि नेम-खाथिफोरखौ सिफायदों आरो बेबायदि खालामनाया तेलिग्राफ नेम-खाथिनि हेंथा होन्ना मिबिथिखोगौमोन।

बे बोसोरनि फैगौ अक्ट'बरआव पाकिस्तानआ एससिअखौ खुंगोन

गोदान दिल्ली, 5 जून: बे बोसोरव पाकिस्तानआ शांघाइ हेफाजाबगिरि फसंथान (एससिअ) नि जथुमाखौ खुंगोन। बे जथुमायाव बे हान्जायाव थानाय हादतफोरनि गासै खुं गिरिफोरखौ खावलायहरनाय जायो। भारतआबो बे हान्जानि बाहागो। बेरा फारसे, पाकिस्तान आरो भारतनि सोमोन्दोखौ गासै मुलुगआनो मिबिथियो। बेबायदियाव जानो गोनां एससिअ जथुमायाव बाहागो लानो थाखाय गाहाइ मन्थि मदिआ पाकिस्तानआव थांगोन ना थाड बेनि सौंथि सिखंदों। अदेबानि मदि सरकारनि नेम-खाथिनाय पाकिस्तानखौ लानानै थारैनो रोखा। गुबुन हादतयारि मन्थि एस जयशंकरआ माखासे खेब बे बाश्राखौ मख'खांबायदि, जेब्लासिम पाकिस्तानआ उतखारिफोरखौ मदत

खालामबाय थागोन अक्लासिम दरनै हादतफोरनि गेजेराव जेबो रोखोमै सावयनयनय जानाय नख। बेराफारसे, पाकिस्तानआ जेब्लाबो भारतजों लोगोसे सोमोन्दोखौ साबसिन खालामनो नाजाबोबाय थादों। जेब्ला मदिआ थामथि खेब गाहाइ मन्थि जायो अब्बा, शहबाज शरिफ आरो बिनि बिदा नवाज शरिफआ बिथांनो हामलायथि बाउहरदोंमोन। मदिआबो नवाज शरिफनो



हामलायथि बाउहरनायनि थाखाय साबाइखर बाउहरो। बेराफारसे, काजाखिस्ताननि राजथावनि अस्तानायाव माखासे सान सिगां खुंनय शांघाइ हेफाजाबगिरि फसंथाननि शिखर जथुमायाव भारतखौ दैदेनानै गुबुन हादतयारि मन्थि एस जयशंकरआ गाहाइ मन्थिनि बिबुंथिखौ फरायो। बेयाव बिथाड गोसो खांहोयोदि, उतखारिफोरजों जुजिनयावो

एससिअनि गाहाइ थांखिफोरनि गेजेराव मोनसे। बेयो मोनसे गोहो गोर रांखाथि आरो रैखाथि गोनां फसंथान।

एससिअनि गाहाइ थांखिफोरनि गेजेराव मोनसे। बेयो मोनसे गोहो गोर रांखाथि आरो रैखाथि गोनां फसंथान।

बेंगलुरु, 5 जुलाई: बेंगलुरुनि मोनसे बिजिरसालिया जिनाहारि जाथायाव कर्नाटकनि गागि गाहाइ मन्थि बिएस येदियुरप्पाखौ 15 जुलाईआव हाजिर जानो थाखाय नटिस हरदों। सिआइडिआ 27 जूनआव फास्ट ट्रेक कर्टआव भाजपा मन्थिनि बेरेखायै दाय जाबसिन्दोंमोन। येदियुरप्पानि बेरेखायै सासे उन्दे गथ'साखौ जिनाहारि खालामनायनि दायआव नायबिजिरनाय सिआइडिआ सार्चिशिटआव बुंदोंदि, बियो आरोबाव गुबुन साथाम भुगिनांग्रा सुबुं आरो बिनि बिमाखौ सिरि थानो थाखाय रां होदोंमोन। गुबुन साथाम दायनिगिरिफोरनि मुंआ अरुण बाइ एम, रुद्रेश एम आरो



जि मारिस्वामिमोन। बे बोसोरनि 14 मार्चआव 17 बोसोर बैसोनि हिन्जावसानि बिमानि दाय फोनांनय गेजेरजों जाथायनि सायाव दाय जाबसिन्नाय जादोंमोन। दाय जाबसिन्नाय जादोंदि, येदियुरप्पाया नै फेबुवारीयाव गावनि न'आव मोनसे जथुमा खुंनयनि गेजेरजों बिनि फिसाजोखौ जिनाहारि खालामदों। सिआइडिआ 17 जूनआव येदियुरप्पानाव थाम

घन्टानिखुइ बांसिन समसिम सौंलु सौंदोंमोन। येदियुरप्पानि बेरेखायै दाय जाबसिन्नाय 54 बैसोनि भुगिनांग्रानि बिमाया समप्लआव केन्सार जानायनि जाहोनाव मेआव गंसे गावनि देहा फाहामसालियाव रूसारि जाना थांबाय। येदियुरप्पाआ गावनि सायाव नांनय दायखौ गनायाखै। बिथांआ बुंदोंदि, बियो आइनि गेजेरजों बेखौ जुजिगोन।

15 जुलाईआव येदियुरप्पाखौ कर्टआव हाजिर जानो थाखाय नटिस हरदों

बेंगलुरु, 5 जुलाई: बेंगलुरुनि मोनसे बिजिरसालिया जिनाहारि जाथायाव कर्नाटकनि गागि गाहाइ मन्थि बिएस येदियुरप्पाखौ 15 जुलाईआव हाजिर जानो थाखाय नटिस हरदों। सिआइडिआ 27 जूनआव फास्ट ट्रेक कर्टआव भाजपा मन्थिनि बेरेखायै दाय जाबसिन्दोंमोन। येदियुरप्पानि बेरेखायै सासे उन्दे गथ'साखौ जिनाहारि खालामनायनि दायआव नायबिजिरनाय सिआइडिआ सार्चिशिटआव बुंदोंदि, बियो आरोबाव गुबुन साथाम भुगिनांग्रा सुबुं आरो बिनि बिमाखौ सिरि थानो थाखाय रां होदोंमोन। गुबुन साथाम दायनिगिरिफोरनि मुंआ अरुण बाइ एम, रुद्रेश एम आरो

जि मारिस्वामिमोन। बे बोसोरनि 14 मार्चआव 17 बोसोर बैसोनि हिन्जावसानि बिमानि दाय फोनांनय गेजेरजों जाथायनि सायाव दाय जाबसिन्नाय जादोंमोन। दाय जाबसिन्नाय जादोंदि, येदियुरप्पाया नै फेबुवारीयाव गावनि न'आव मोनसे जथुमा खुंनयनि गेजेरजों बिनि फिसाजोखौ जिनाहारि खालामदों। सिआइडिआ 17 जूनआव येदियुरप्पानाव थाम

रडिया डिभिजनआव मोबिलिआरि इन्टरनेटसर्विसि फिसा फोसावनाय
इ-ट्रेडर पोसावथाव नं: आरएनएड-इएलए-टि-02-2024-25। गाहायाव फोरमायनाय खामानि थाखाय मुंसायगिरिआ इ-ट्रेडर हांखायहरदों। खामानि नं: रडिया डिभिजनआव: नै बोसोरनि मोनसे सम सिमनानि थाखाय रडिया डिभिजननि बेखानाव मोबिलिआरि निस्त्रोसनि फिसा फोसावनाय। ट्रेडरनि बेसेन: 2,38,01,865.52 रं। अग्रिम रं: 2,69,000/- रं। ट्रेडर बन्द जानायनि अक्ट' आगो सप: 31-07-2024 अक्ट'नि 13:00 रिगायाव। बांसिन मिथिनो थाखाय बेबसाइट www.ireps.gov.in आव नायदों।
रिनिअरम (डिबिउ), रडिया सा-सांन्या डिमना टेलिव
"मिनिस्त्रु ग्राहकफोरनिम सिबिथाय"

दालानि स्वामानि
इ-ट्रेडर फोसावथाव नं: 29-इएनएडिआ-आरएनएड-2024-25। गाहायाव फोरमायनाय खामानि थाखाय मुंसायगिरिआ इ-ट्रेडर हांखायहरदों। ट्रेडर नं: 1। अग्रिम रं: 2,69,000/- रं। ट्रेडर बन्द जानायनि अक्ट' आगो सप: 31-07-2024 अक्ट'नि 13:00 रिगायाव। बांसिन मिथिनो थाखाय बेबसाइट www.ireps.gov.in आव नायदों।
रिनिअरम (डिबिउ), रडिया सा-सांन्या डिमना टेलिव
"मिनिस्त्रु ग्राहकफोरनिम सिबिथाय"

No.B/DDU/Sale Notice/2404 Dtd.02/07/2024

SHORT TENDER NOTICE

Sealed tender affixing court fee stamp of Rs.8.25 (Rupees eight & paise twenty five) only is hereby invited from the intending tender for the following work has been fixed on the date of 24.07.2024 up to 3:00 P.M. in the office of the undersigned. In case the office remains closed on that day for any unforeseen or unavoidable reasons, the tender will be received on the next working days.

The details of the tender Notice can be seen in the office of the undersigned in office hour.

Sl. No.	Name of Scheme /work	Estimated Amount	Earnest Money
1	Construction of Community Hall at Maibra JFMC under Mazbat Range for JFMC fund	Rs.20,00,000.00	Rs.40,000.00 (General) Rs. 20,000.00 (S.T. & S.C.)
2	Construction of Multipurpose Community Hall cum Sanitary System along with Library & Sanitary system at No.1 Sikaridanga JFMC under Mazbat Range under JFMC fund	Rs.20,00,000.00	Rs.40,000.00 (General) Rs. 20,000.00 (S.T. & S.C.)
3	Construction of Multipurpose Community Hall cum JFMC office with proper sanitary system along with clean drinking water facility at Kukurbhuka JFMC under Mazbat Range under JFMC fund	Rs.20,00,000.00	Rs.40,000.00 (General) Rs. 20,000.00 (S.T. & S.C.)

Sd/- Divisional Forest Officer,
Dhansiri Forest Division, Udalguri

IPR(BTC)/C/2024-25/104

Skill India IndianOil

2024
हरित सकल्प पर अमल

NORTH EAST SKILL CENTRE
UNDER ASSAM SKILL DEVELOPMENT MISSION
NH-37, Bhabananda Boro Path, Katabari Garchuk, Guwahati-781035, Assam

FREE VOCATIONAL TRAINING PROGRAMME
1 Year Certificate course under State Council for Vocational Training (SCVT)
WALK-IN INTERVIEW

North-East Skill Centre, GUWAHATI invites candidates for a walk-in interview for admission to a FREE 1 year residential and job-oriented certificate course under SCVT, sponsored by INDIAN OIL CORPORATION LIMITED (IOCL), BONGAIGRAH REFINERY for employment of unskilled youth. Preference will be given to candidates belonging to Bongaigaon, Chirang and Kokrajhar areas.

Sl. No.	Name of the Course	Eligibility Qualification	Eligibility Age	Intake	Course Duration
1	Retail Services	Minimum 12 th Standard pass	Minimum 17 Years & Maximum 25 Years	25 NOS	1 Year
2	Beauty & Wellness	Minimum 12 th Standard pass	Minimum 17 Years & Maximum 25 Years	25 NOS	1 Year
3	Hospitality - Food & Beverage Service	Minimum 12 th Standard pass	Minimum 17 Years & Maximum 25 Years	25 NOS	1 Year
4	Hospitality Operations - Housekeeping	Minimum 12 th Standard pass	Minimum 17 Years & Maximum 25 Years	25 NOS	1 Year

• Date of Walk-in Interview: 16.07.2024
• Venue of Walk-in Interview: Refinery Club Cum Community Hall (RCCC), BGR Township
• How to apply: Eligible candidates may personally submit their applications with biodata and self-attested copies of all necessary documents viz: Educational Qualification certificate/ Age Proof/ Caste certificate/ Income & Residential certificate, Photocopy of Bank a/c Passbook (front page) and 04 nos. of colored passport size photographs during the walk-in interview.
• Selection: NO TA/DA will be provided for attending the walk-in interview.
• Commencement of the course: 1st August 2024

Contact Details of NESCC: Ms. Swapna Basumatary (8723990280)

ट्रेनआव दावबायनाय समाव दावबायारिआ बेसेबां सम उन्दुनो हायो मिथिनो गोनां

ट्रेनजों जों गोबाडनो दावबायो। रइज्यो सिडव एबा गुबुन रइज्योआव ट्रेनजोंनो बांसिन दावबायसै आरो साबसिन होन्नानैबो गनायना लाजासै। गुबुन गोजान जायगा एबा रइज्योआव ट्रेनजों दावबायनायाव जिरायनानैल' थांनाय एबा उन्दुनायनिबो सीट लानायाव माखासे गोनांथार नेमखान्थि दड। दावबायारिफोरनि



गोबाडनो बेफोर नेमखान्थिखौ मिथिया, जाउनाव दावबायारिफोर समनि बांसिन उन्दुयो एबा बार्थ दैखोनाय एबा बोख्लायनायखौ लानानैबो माब्लाबा दान्थे-बिदान्थे जायो। दिनै जों ट्रेनि माखासे गोनांथार नेमखान्थिनि बागौ मिथिहोने सिगांदों। ट्रेनजों गोजान जान्थायसिम दावबायोब्ला दावबायारिआ माखासे नेमखान्थिफोरखौ



मिथिनानै लानाया गाहाम, जायखौ बांसिनानो मिथिया। ट्रेनजों दावबायनायाव माखासे नेमखान्थि मानिना सोलिनानांगीनि गेजेरव उन्दुनायनि समाबो मोनसे आरो बेखौ मिथिनाया वयनिबो थाखाय गोनां। मख'जाथावदि, ट्रेनजों दावबायनायाव दावबायारिफोरनो सिगाडव 9 घन्टा उन्दुनायनि सम होनाय जायोमोन। बै समाव



केरेलायाव मेलेम जाग्रा एमिबानि इन्फेक्शनजों सासे गथ'नि जिउ खहा



गोदान दिल्ली, 5 जुलाई: बृहस्पतिवारआव केरेलानि कश्किड जिल्लायाव 14 बोसोरनि सासे गथ'आ एमइबिक मेनिअन्सेपेलिटिसनि जाहोनाव जिउ गोमायो। बेयो मोनसे रोखोमनि ब्रेनआव जाग्रा इन्फेक्शन, जाय ब्रेन इटि एमइबाजों इन्फेक्शन जानायनि जाहोनाव जायो। गथ'आ मोनसे फुखियाव दुगैगासिनो दडमोन अब्लानो गन्थजों बै एमिबाया गथ'नि देहायाव हाबलांदों। बे एमिबाया मेलेमआव इन्फेक्शन खालामो। थांनाय 24 जुनआव गथ'खौ देहा फाहामसालियाव थिसन्दोंमोन। नाथाय फाहामथाइ होबाय थांनाय समाव बृहस्पतिवारआव गथ'नि जिउ गोमायो। थांनाय 2 दानाव एमिबानि इन्फेक्शन जानानै सा 3 जिउ गोमाबाय। बेनिखायनो बे गिखंथाव ब्रेन इन्फेक्शननि बागै मिबथिना लानाया गोनांथार। क्लीभलेण्ड क्लिनिकनि बायदिब्ला, नाइग्लेरिया फवलेरिआ मोनसे तिभिं एमइबा, जायखौ सरासनस्रायै ब्रेन इटि एमइबा होन्ना बुडो। बे वार्म फ्रेश वाटार एबा दैन दुबुद फुखि बायदियाव थायो। बे एमिबाया गन्थजों देहा-सोलेराव हाबो आरो सेन्ट्रल नाभांस सिस्टेमखौ इन्फेक्शन खालामो, जाय जिउनि थाखाय खैफोद गोनां। बे एमिबा टिशुज एबा जिबखि इन्चुरखौ खहा खालामनो जागायो, जायनि जाहोनाव ब्रेन इन्फेक्शन जायो। सेन्टर फर डिजिज कन्ट्रलनि बायदिब्ला, माब्लाबा समाव बे एमिबाखौ गुबुंले सुइमिं पुल बायदियावबो मोनो। बेजों इन्फेक्शन जायोब्ला 2-15 साननि गेजेरव बेनि लैक्षोनफोरखौ नुनो हमो। खर' सानाय, मोदोम दुंखावनाय, गोबानाय, लाइट एबा सोरांखौ नायनो हायै बायदि जेंनाफोरा नुजाथियो।



हरनि 9.00 रिगानि सिगां मिडिल बार्थखौ बोखानो हानाय जायामोन, जाहाथे गाहाइनि सीटआव थांनाय दावबायारिआ जेंना जानाड। बबेखानि बे समाबो दावबायनायनि हिसाबआव इसे थाबसिन जायोमोन। बे 9.00 रिगाखौ सोलायनानै ट्रेनआव दावबायारिफोरनि उन्दुनाय समखौ हरनि 10 रिगानिफ्राय फुंनि 6.00 रिगासिम



खालामनानै होनाय जायो। सिगाडव दावबायारिआ हरनि 9.00 रिगानिफ्राय फुंनि 6 रिगासिम उन्दुनो एबा मिडिल बार्थखौ दैखानो हायोमोन, जायनि जाहोनाव दावबायारिफोरा जेंनाबो जायोमोन आरो गोबां खेव दावबायारिफोरा नंज्लायनायबो जायोमोन। उनाव रेलवेआ बे गोजाम खान्थिखौ सोलायनानै दावबायारिफोरनि उन्दुनाय समखौ खमायनानै होयो। बे खान्थिआ बै गासैबो ट्रेनफोरव गोहोम



गोनां जेराव उन्दुनायनि खाबु दड। हरनि 10.00 रिगानिफ्राय फुंनि 6.00 रिगासिम समखौ उन्दुनायनि थाखाय मोजां सम होन्नानै गनायना लानाय जायो। मख'नो गोनांदि, दावबायारिआ मिडिल बार्थखौ हरनि 10.00 रिगानिफ्राय फुंनि 6.00 रिगासिमल' खुला दोन्नो हायो।

चिकिमनि बे निजोम थावनियाव

गोसोथोफ्लेबाय आं न'फारसे गोसोआ थाफिननो गोसोखौ बाद होदों साननैसो थानो मोनबावोमोनब्ला आं.....आं..... नॉनि महाराव आखिगोमोन दोसे सिनारि नॉनि सावगारि।

आं आरो गोसोखौ थोजासे खुसिजों गोबां दुखुफोरा गोमालांसोदों आरो जिउनि सहायथावै सानखाथिफ्रा दान्दिसे समजों मिननाया थाद'थै जेराव सिमांफोरा मोगथां महर लाफैदों।

सोरगिदिं खुवा-खुवा साखाथि-फाखाथि हाजोनि दखर-दखार लारि-फारि बिफां-लाइफानि थार आगोमा सारि-सारि सुबुंफोरनि न', बारि-बागाननि खाथि आदिं जाबाय बेयाव बोदोर-बावलि।

आं बासोदों नॉनि महरनि जानगार थांनो जोनोमथिलिथिं आगान सुरनो गोसो जायाखै माबायदि मुहनि नॉनि थावनिफोरा हाथिगलाफैना, दावबायफैना नॉनि बिखायाव न'फारसे थाफिननो आं दिनै बासोबाय।

-निन्द्र बसुमतारी काशिखत्रा (कुमगुरि), चिरां

रागानि गुथाल

मानसिनि मोनथाम सुथुर बेनो जादों-लुबैनाय आथोन हास्थायनाय आरो रागानि गुथाल

-रैदोम बर', बाक्सा

रंजालि गथ'फोरनि सौरा

गारबोनाय एलबामफोर

मफोरखौ दासिमबो बावनो हायाखै माब्लादि बारलांखो आगोर मोनासे नागिरबायब्लाबो मोननोना थांला, खालि गोसो इसिंआवल' सुखाफैसै गारबोनाय समायना एलबामफोरा। समनि बाबेननायाव बैसोनि थिननायाव हमथानो हायासै बेसेनगोसा समखौ लोगोफोरजों गिला गेलेनाय ओंखाम ओंखि गेलेनाय, मोसौ लावखारनि सिफुं सुनाय बावगारनो हागोनदाबि गारबोनाय गोजाम गांसे एलबामफोरखौ। दैसा सेरनि रुगुंआव जिराय हाबना गोसो खांसै आं गांफा गांफा एलबामखौ मोदैबो बोहैसै सम लाना, उदांयै बिरबायनाय दाउफोर बायदि आंबो बिसोरजों बिरफानो लुबैयो। दाबो खोनायो रोमै रोमै उदैफोरनि होस्त्रिखावनाय गावजों-गाव लिंहरलायनाय नाथाइ दानिया आलदासै, बेलारोम साननि फैसालिआ दोबैलांबाय लावखारफ्रा होबोदोंमोन मोसौ दंसै दाबो गोजाम एलबामाव रोखा रोखा सावगारिआ बेरखाना। गामिनि गुसु सुदेम बार दैमा सेरनि बर' गामि आंबो बैनिनो सासेमोन, गोजाम एलबामा दिनै गोसोआव सौदावहोदों मोथो मोथो।

-मनिका गयारि गोदान देलहावसि, गहपुर

आबुं जायै रादाय

आंनि खंख्ला गोबोंआव दुखु दाहानि लाद्रा खानाय नॉनि आंनि आबुं जायै रादाय आंखौ बन्थ मुरानि असुन्दाजों रोहो रोहो खामगिलयो।

दालाय नों मिथिया होमबा ? आखाफोरा हाथरिखौ नायनो हायाब्लाबो हाथरिखिया अखाफोरखौ आब' लिंनो नागारा।

मा मुहनि हाबना दंमोन जों सानैनि मोजां मोनलायनायाव आंनि अननायखौनो नों नुवा नॉनि अननायखौबो आं नुवा नाथाय सानैनि गोबों बिखा सिडव लैथो बायदि निजोम गोरोबनाय दंमोन।

दिनै बिफोरनो आंनि बिखाखौ गोफार जंनि महर लाना दान्थिहै थुफ्ले फैबाय थायो हरफ्रोमबो थेवबोदि आं बावगारनो हाया नोंखौ अननाय मोजां मोननायखौ।

बैफोर गोरोत्थिफोरनि थाखायनो दिनै आं लिरो गोबोंनि रेबगन जों बिखा बिखनो सिरिलानाय सानस्त्रि मुस्त्रि फोजेबस्त्रानाय आबुं जायै रादायनि खन्थाइखौ।

अमबासिनि गोथौ हराव आंनि गोसोआ बिरलाडे गोजोन थावनि नागिरथिना, दुखु दाहानि बानाजों बुसोमजाबाय आंनि जिउ सोलेर, नॉनि आंनि आबुं जायै रादाय आंखौ नाखेबलांबाय थादों।

अ' नोजोरा आंनि अरायथा लोगोरि ! नों अबाव दं ? पुर्निमानि गावदां अखाफोर सोराडव आं नोंखौ बोरल बोरला नायगिरबायो नाथाय नोंखौ नुनो मोना।

-सोमखोर दैमारि रौता, उदालगुरि

दाबो जोबाखै

सोरबाया सान्दु गोसायाव खो खो खामगिलनायाव माइ गायदों, खोथिया फुदों। सोरबाया AC सिडव, दंफां सायायाव आराम खालामदों गरद लायदों खुम्बकणं नि नांगौ समाव सिथलायाव थाडेब्ला हाबब्लां फांथेना, नासयनाया गावजों गाव खौसे गैलायि धोनि गोरिबखौ जेंनानि जाहोन होबोयो 'खौसे बर' बयबो नख'रसे' खोथायावल' फे गावबा गावथारसै। गोजोन बर'नि रायजो दानायनि सिमाड बाणनि फिसाजो उसानि सिमांआ मोगथां महर मोनहोनाय बादि चित्रलेखाया जेरावबो नागिरना मोननाय नड। गावनि बिमानि रावखौ बाहायनोना खायफाया रौला रायनो आरो लिरनो हारिमुनि दामजुआ गासै गासै गामियावनो रिंखालिया गावनि गावनि सिनायथिखौ बावदों सोहर, नोगोराव राजथावनि गायसन्दों लेखा फरा रोंदों, गावनि बिगुरखौ सोलायनो हमदोंसे।

-खोमथा बर' गामि: हदानगुरि, उदालगुरि

आथिखाल

आथिखाल मुगाया बेनो नामा ? अखा नायब्लानो भाइराल भाइराल अखा नायब्लानो गावजों गाव कनट्रभासरी।

नाथाय हामनाय नंया बेयो अब्ला हानाय नंया जोंयो, गोजौ फारसे दावगालानो गावखौ जौगाहोने।

मानोना बेबादि जानाया गाव गावनि मोखांयाव गोसोम दागो फोन्ना लानाय बादिसो, बेखायनो बेबादिया हामनाय नंया होनब्लाना जों गाव गावनो लाजिखांगोन सिनायथिनो गावखौनो।

बेखायनो जिउनि थासारियाव गोगो बार बारहोने नाजानांगोन, गुबुंले बार बारहोवाय थायोब्ला जों गावनो गाव बुसोम जागोन आरो हं मोना जागोन।

रकी नार्जारी बर' बाजार फरायसालिमा, चिरां

* मिथिगौना..... *

रागाजों नोंखौ रायनाय गोरा-हेंथा राव बुंनायफोरा नोंखौ सिगिनाय गासैबो सावगारिया नोंखौ आंनिफ्राय गोमाजानो गिनायखायसो रजे।

माब्लाबा नों गोजान लामायाव ओंखारबोला आंखौ नागारनानै आं खौरां लाहरनायखौ नों रागा दाजों मिथिगौना नों (?) बेफोरो नोंखौ मोजां मोन्नायनि थाखायसो।

आंनि नोंखौ बोराबनायफोरा नोंखौ गोजान जाजानो गिनानैसो नों आंखौ अन्थाइबिखा दाबुं सैनाय मिथिगौना नों आंदि नोंखौ बेसेबां मोजां मोनो।

नॉनि आखायाव हमनानै माब्लाबा बोजेदहरनाया रजे रागा जॉनानै नड बियो ददेरे सैनाय थार लामानिफ्राय आनज्रायलांजानो गिनायनिसे।

मिथिगौना नों स'ना खनफ्रोम आंनि रागा जॉनायफोरा नोंखौ आंनि गोबोंआव बेंना लानायनिसे मानोना जिउजों मोजां मोनो आं नोंखौ अराय।

-गलाप खुंगुर बसुमतारी बसगाव, कक्राझार।

मिरु सरकारा राइज्योफोरनो अन्सुंथाइ होनो थाखाय गोबां बिबांनि जिएसटिनि बाहागोखौ नागारदों

गोदान दिल्ली, 5 जुलाई : भारतनि आगुनि गहाइ रंखाथि बोसोनगिरि आर्बिन्द सुब्रमण्यनआ बावैसो सिगां मिरु आरो राइज्योफोरनि सायाव जिएसटि बेब'स्थानि गोहोम गोलैनायनि सोमोन्दै गोबां खौरं होदों। बिथाड फोरमायनाय बायदिव्ला, थानाय 2017 आव जिएसटि फोसावनायनि उननिफ्राय मिरुआ राइज्योफोरनि थाखाय 14 जौखोन्दो अन्सुंथाइ गेरैन्ट होनो थाखाय खाजोनानि मोनसे मख'जाथाव बाहागोखौ नागारो। जिएसटिआ निखावरि राइज्योफोरनि थाखाय मोनसे बोर बायदि। सुब्रमण्यनआ बे बाश्रानि सायाव नोजोर होयोदि, डिएसटिआ सरसन्तार्यै निखावरि राइज्योफोरनो मुलाम्फा होयो। टेक्सनि हारफोराव दावखलायसेयावबो जिएसटि खाजोनानि सिगांनि थाखायाव



फै फिन्दों, जाय साबसिनै सोलायनाय नेम-खाथिनि इसरा होयो। बिथाड सुबुरन होदोंदि, केसनि हारखौ सरल खालामनायनि खामानिखौ सिगांआवनो मावनो हागौमोन। बिथाड पेट्रल आरो जौखौ आथिखालाव जिएसटिआव सोफानाया गहाम

जानाय नडा होन्ना बुंदों। महामारिनि समाव राइज्योफोरनो हेफजाव होनो थाखाय जिएसटिआ गोबं मदत होदों, जायखौ 2021-22 रंखाथि बोसोरनि उनाव बन्द' खालामदोंमोन। अदेबानि जिएसटिआ राइज्योफोरनि रंखाथियाव मख'जाथाव बिहोमा

होयो। राइज्योफोर गावसोरनि सिमना सिडव बुधुमनाय गासै एसजिएसटि, गासै खावसे आइजिएसटि आरो रंखाथि आयगनि साजेशननि सायाव बिथा खालामनाय जिएसटिनि मोनसे गिदिर बाहागो मोनो।

पिएसअआ हादरनाडै पेट्रलियाम दिहुन्थायफोर जगायनानै होगोन

इस्लामाबाद, 5 जुलाई: पाकिस्तान स्टेट अयेल (पिएसअ) आ हादरनाडै पेट्रलियाम जिहुन्थायफोरखौ जगायनानै होनाय जागोन होन्ना फोसावदों। पेट्रलियाम डीलार्स एस'सिएसननि फार्सेनिफ्राय हादरनाडै बन्द जानायनि उनाव बे बाश्राया सोराडव फैन्यो। बबेखानि पाकिस्ताननि एआइवाइ निउजआ बे बाश्रानि खौरं होदों। मख'नो गोनादि, पाकिस्तान स्टेट अयेलआ मोनसे पाकिस्ताननि पेट्रलियाम निगम, जाय पेट्रलियाम जिहुन्थायफोरखौ रन्नायाव मदद खालामो। पिएसअआ बुंदों, साप्लाइन चैनआ आबुडै सोलिबाय थागोन आरो पेट्रल पाम्पफोरव स्टक थागोन। सुलुनि बादिब्ला, पिएसअआ मोनसे माहारियारि कम्पनी जाय बन्दनि समावबो सिबिथाय होयो आरो हादरनि इन्धनि गोनाथिफोरखौ



आबुंखालामो। सुलुनि बादिब्ला, अल पाकिस्तान पेट्रलियाम डीलार्फोरनि थुपआ गावसोरनि हादरनाडै बन्द फोसावदों आरो बेनि सानसे सिगां सरकारि टीम आरो हान्जाफोरनि गेजेराव जानो गोनां रादाइखौ होबतानानै लाखिदोंमोन। पाकिस्तान पेट्रलियाम डीलार्स एस'सिएसननि बन्द खालामनो दाबि दैखानायनि उनाव

सरकारआ बिसोरजों सावरायदों। सुलुनि बादिब्ला, बिसोरनि फार्सेनिफ्राय फोसावनाय बन्दआ गोहोम गोलैगोन। बेनि गेजेरजों पाकिस्तानआ थाबैनो फौ अक्बर दानआव एससिअ आफादनि जथुम खुंगोन। बे जथुमआव आफादनि गासै सामलायगिरिफोरखौ एस'सिएसननि बन्द खालामनो दाबि दैखानायनि उनाव

बिफानआ बेनि खौरं होदों। एससिअनि सोद्रोमाफोरनि गेजेराव भारत, चीन, रासिया, ताजिकिस्तान, पाकिस्तान, काजाकिस्तान, किर्गिस्तान आरो उब्बेकिस्तानआ दंफायो। बेयो मोनसे गोहोम गोनां रंकाथि आरो रैखाथि होरा फसंथान। जाय बयनिखुइ देरसिन हारिमायारि फसंथानफोरनि गेजेराव मोनसे महै ओंखाखोदों।

(1 बिलाइनिफ्राय)

राहा बादायाव थानाय सुबुंफोरनो गोनांथि जानाय अन्सुंथाय होनो जिल्ला बेंगिरिनो गिबि मन्थि ...

रन्जत कुमार दास, एमएलए चक्रधर गौरी, तरंग गौरी मोनहा बाहागो लायो। गुबुन फार्सेथि, गिबि मन्थिआ खवांआव पिथुवा हिन्जावसा गोजौसिन गेजेरआरि फरायसालियाव गायसन्नाय राहा बादायाव नायगिदिहैयो। मख'नो गोनादि, राहा बादायाव सा 173 दै बानाजों भुगिजानानाय सुबुंफोर थानो गोनां जादों। गिबि मन्थिआ बादायाव थानानाय सुबुंफोरजों अन्सुंथायजों लोगोसे गुबुन आयदाफोरनि सायाव सावरायलायो। गिबि मन्थिआ डिब्रगड जिल्ला बेंगिरिखौ फाहामथाय सिबिथाय, गोगो लोंगा दै जगायनाय, दै बानानि जाउनाव खहा जानानाय फरायसाफोरनो फर बिजाब जगायनाय, जि-जोम बायदि होनो थाखाय बिथोन होयो। बेनि उनाव गिबि मन्थिआ खवां गोजौसिन गेजेरारि फरायसालियाव गायसन्नाय गुबुन मोनसे राहा बादायाव नायगिदिहैयो। मख'नो गोनादि, बे राहा बादायाव सा 380 दै बानाजों भुगिजानानाय सुबुंफोर आश्रय लानानै दड'। गिबि मन्थिआ राहा बादायाव थानानाय सुबुंफोरजों सावरायलायो। गिबि मन्थिआ राहा बादायाव आश्रय लानानै थानाय सुबुंफोरनो खोथा होनानै बुडेदि, राइज्यो सरकार दै बानायाव खहा जानाय न'फोरखौ फोसावनो एबा लुनो थाखाय थाबैनो राहा लागोन। बे नायगिदिहैनाय समाव दै फुंखा बिफाननि मन्थि पियुष हाज रिक्का, पन्नायत आरो गामि जौगाखौ बिफाननि मन्थि रन्जत कुमार दास, एमएलए चक्रधर गौरी आरो तरंग गौरी मोनहा बाहागो लायो। गिबि मन्थिआ दिने तेडाखातनि धुमलतआव बुडिदिहि दैमानि बायनाय माथावरिखौ नायगिदिहैनाय दै बानाजों भुगिजानानाय सुबुंफोरजों सावरायलायनानै थासारिनि सायाव सुलु लायो। मख'नो गोनादि, बुडिदिहि दैसानि दैया माथावरिखौ सिमफायनायनि जाउनाव गोबां ओन्सोलाव लोमसावनायनि अनगायैबो माखासे न'-बांफोर खहा जायो। गिबि मन्थिआ लामा फोनांजाब राहाया बन्द जानाय ओन्सोलाव नावजों नायगिदिहैनाय खहाफोरनि सायाव सुलु लाहैयो। गिबि मन्थिआ दै बानाजों भुगिजानानाय सुबुंफोरनो गोनांतिजानाय अन्सुंथाय होनो थाखाय टर्पलिन, सोरनि राहा आरो लोंगा दैनि थाखाय दंखलनि राहा खालामनो डिब्रगड जिल्ला बेंगिरिनो बिथोन होयो। गिबि मन्थिआ दै बानाजों भुगिजानानाय राइजो-राजाफोरखौ बुडेदि, जाय जायगायाव माथावरिया बायस'दों बेयाव गाबोननिफ्राय जिअ बेगाजों थाबैनो लुफमफिन्नायनि राहा लागोन। गुबुन फार्सेथि, तेडाखात फरायसालिमायाव गायसन्नाय राहा बादायाव नायगिदिहैयो। बे बादायाव गासै सा 299 सुबुंफोर आश्रय लाना दड'। गिबि मन्थिआ सुबुंफोर मोनाय मदद-हेफाजाबनि सुलु लानानै जिल्ला बेंगिरिखौ नांगौ बायदियै अन्सुंथाय होनो बिथोन होयो। गिबि मन्थिआ गथ'सा आरो सोगोर सुबुंफोरनि गोनांथिनि फार्सेबो जर'खा नोजोर होनो जिल्ला बेंगिरिनो बिथोन होयो। राहा बादायाव नायगिदिहैनाय समाव दै फुंखा बिफाननि मन्थि पियुष हाज रिक्का, एमएलए तेरस गवाला, तरंग गौरी मोनहा बाहागो लायो।

हाबा जाखानाय सुबुंआ गुबुननि बिसिखौ

जोबथेसालियाव दैथायहरो। मिथिनाय बायदिव्ला, कक्राझार पुलिस थानानि सिडव थानाय सालाकातिआव बे जाथाया सोमजिदों। सालाकातिनि एन्टिपिसिनि मेनेजेमन्टआव खामानि मावग्रा सासे हिन्दु धोरेमनि मावफारियानि बिसिआ सालाकाति ओन्सोलाव लामानि खाथियाव साहानि गला होनानै नख'र खुंनायाव फिसाइखौ मदद होबोदोंमोन। मख'नो गोनादि, बे आइजोनि गलानि खाथियावनो महेर आलिनिबो गला दंमोन। महेर आलिआ गला सालायनायजों लोगोसे सालाकाति एन्टिपिसिनि मेनेजेमन्टआवबो मावफारिया महैर खामानि मावोमोन। मोनसे समाव महेर आरोसाहा गला बिगोमा आइजोनि गेजेराव मोजांमोनलायो आरो बेनि साननैसोनि उनाव सानैबो नख'र-संसारखौ नागारनानै दोनखारलाडे। गुबुन फार्सेथि, बे जाथाया सोराडव फैन्यायनि उनाव ओन्सोलाव राइजो-राजाफोरनि गेजेराव गोखौ फिनजाथाय सोमजियो मानोना सानैबो हाबा जाखानायजों लोगोसे सानैबो गुबुन गुबुन धोरेमनि। सानैबो दोनखारलानायनि उनाव सालाकातिआव बेंगलि फेडारेसननि बान्जायनायाव मोनसे मेल खुंनाय जायो। बेनि उनावनो गुबुन गुबुन धोरेमनि हौवा आरो हिन्जावआ दोनखारलानाय जाथाया हाजाथे ओन्सोलावनि गोजोन थासारिखौ गुबुले खालामनो हाया बेनि थाखाय धोरेमरि बाडइ सानखो फरायसा आफाद एबिएमसुआ दोनकारलानाय लाइमोनखौ हमनानै कक्राझार पुलिसनो गथायनानै होयो। उनाव कक्राझार पुलिसआ महेर आलिखौ जोबथेसालियाव दैथायहरो। सुलुडा मिथिहोनाय बायदिव्ला, आइजोआ महेरखौ दोनखारलाडब्ला गावनि जिउ फोजेबनानै लानो हुमखि होनायाव महेरआ आइजोखौ दोनखारदोंमोन। बेनि अनगायैबो महेरनि बिसिआ फोरमायनाय बायदिव्ला बेनि सिगांबो आइजोआ महेरनि सायाव जर-जुलुम खालामबोदोंमोन आरो बेनि सायाव राहा लानो थाखाय फेडारेसनखौ खावलायहरदोंमोन। नाथाय आफादआ राहा लानायनि सिगांनो सानैबो दोनखारलाडे। गुबुन फार्सेथि, आइजोनि फिसाइआ सालाकाति पुलिस थानाय महेरआ बिनि बिसिखौ लांखारदों होन्नायै एजाहार थिसन्नायाव जाथायनि सायाव कक्राझार पुलिसआ सांग्रं जायो। सुलुडा मिथिहोनाय बादिब्ला हिन्दु आंजिखौ लांखारनायनि थाखाय महेरनि गलाजों लोगोसे खाथिनि माखासे गलाखौ बन्द खालामनायाव गला बिगोमाफोरनि गेजेराव फिनजाथाय सोमजियो। उनाव गला बिगोमाफोर आयदाखौ लानानै कक्राझार पुलिसनि खाथियाव थानाय मैया कक्राझार पुलिसआ जायगायाव नुजाथिहैनानै गलाफोरखौ बेखेवफिनानै होयो।

सालबारिनि फातेमाबाद साहा बागानाव साहा मावफारियाफोरा गोखौ खुद्रिसारदों

सुटिनि रंखौ होनांगोन, मावफारियानि मासि सुकुंनय, साहा मावफारियाफोरनि सायाव अनगारिखौ बन्द खालाम, साहा मावफारि होखारनायखौ बोखारनानै फिन खामानि होनायनि राहा लानांगो बायदि स्ल'गानजों साहा बागानखौ गोमखंहोयो। मख'नो गोनादि, साहा बागाननि बिगोमा राजेश जालानआ गोलाव समनिफ्रायनो साहा मावफारियाफोरनि सायाव खस्ट आरो गोसो बायदियै सालायबोनायनि अजद दैखानानै बागाननि मावफारियाफोरखौ बिगोमाया गांज्रियै बाहायनायबोनायनि अजद दैखाडे। गुबुन फार्सेथि, बावैसो सान सिगां आसामनि गिबि मन्थि ७ हिमन्त बिश्व शर्मानि बिथोनाव साहा बिफाननि पिएफ कमिसनारजों लोगोसे मोनसे माहारियारि दोलोआ बागानखौ नायगिदिनानै साहा मावफारियाफोरनि जैनानि सायाव सुलु लायोब्लाबो नाथाय दिनैसिमबो बिगोमा राजेश जालानआ मावफारियाफोरनि जैनाखौ लानानै गोनांथि होयैनि अजद दैखानानै मावफारियाफोर गोखौ सोमावसाओ।

(1 बिलाइनिफ्राय)

बिटिसिनि गहाइ मावफुं सोद्रोमाया जि इ एमनि

सायाव फोरंथाइ होनाय जादों। थानाय 2018 माइथायनिफ्राय जागायनाय गार्लस इम्पावारमेन्ट मिसननि गेजेरजों गामिआरि ओन्सोलनि सा 40 फरायसुलिफोरखौ 1 दाननि थाखाय बायदि बायदि आयदानि सायाव फोरंथाइ होनायखौ जागायदों। बे मावथांखिनि गेजेरजों फोरंथाइ होनाय थाखौ 6 आव फरायनाय सा 40 हिन्जावसा फरायसुलिफोरखौ दिनै बिटिआरनि गहाइ मावफुं सोद्रोमा प्रमद बर'आ लोगो हमनानै सावरायलायदों। बिटिसिनि सेक्रेटारिएट मावखुलिनि सावराय न'ब्लांआव मोनसे हाबाफारि खुंनायनि गेजेरजों फरायसुलिफोरखौ लोगो हमनानै सोनाय-फिन्यायनि गेजेरजों बिटिआरनि गहाइ प्रमद बर'आ सोलोंथाइ लानायनि बागै बेसेन गोसा बिबुंथिजों फरायसुलिफोरखौ थुलुंगाखौ होयो। गावनि बिबुंथिआव प्रमद बर'आ बुंदोंदि, सोलोंथाइआ गावहारसिडैनि आरो समाज दानायनि मोनसे हाथियार। गियायनि गोहोखौ बाहायनानै जों मोनसे गोजों इयुन, गोग्गो समाज दानो हायो। हिन्जावसाफोराबो उन्दै समनिफ्रायनो गासैबो बिथिडव सोलोंथाइ लानायजों गावखौ रंखा-रखा गियानि खालामनानै गावनि इयुनखौ गोजों खालामनानै लानायजों लोगो समाज आरो हादत दाफुंनयाव मैखोमै बिहोमा लानो हायो। गियायनि गोहोमखौ जेब्लायबो मोनसे साबसिन इयुनि थाखाय मोजां रोखोमै बाहायनांगौ होन्नायै फरायसुलिफोरखौ सुबुरन होयो बिटिआरनि गहाइ प्रमद बर'आ।

लोरगि थियेटार गुपनि

बान्जायनायाव गथ'फोरनि ...

जादों। बे मावबादायाव जायगानि आरो खाथि-खाला गामि आरो फरायसालिफोरनिफ्राय गोबां उन्दै-उन्दै फरायसुला-फरायसुलिफोर फैनानै सोलोंथाइ लाफेदों। मख'नाय जायोदि, बे मावबादाआ थानाय 4 जुलाईफ्राय जागायदों आरो फौगौ 23 जुलाईसिम खुंजगोन। बे मावबादाखौ थानाय 4 एप्रिलखालि लोरगि थियेटार गुपनि आफादगिरि सोमदोन ब्रह्माआ सोलोंसाफोरनि दिथागिरिफोरनि नुजाथिनायाव बेखेवनानै होयो। बे गोलीम बोथोरनि मावबादायाव त्रिपुनिफ्राय एनएसडि डिग्री उशनानै फैन्याय सानै रंगोसार फोरंगिरि- पबित्र मुसाहारि आरो दिदोम बसुमतारिआ फोरंगिरि महैर बाहागो लानानै उन्दै-उन्दै फरायसुला-फरायसुलिफोरखौ फोरंथाइ होदों।

बर' लाइमोन बिर्जन

बसुमतारिआ भारत-भुटान

कुं-फु-उशु सेम्पियनसिपआव...

हारिनि थाखाय गोगानाय लाबोदों। भुटान हादतनि पुन्चिलिंआव खुंजानाय इन्ड'-भुटान कुं-फु-उशु सेम्पियनसिप 2024 आव बाहागो लानानै गावनि गोखौ नाजानाय आरो गोखौ गेलेनायनि गेजेरजों बे बान्थाखौ आवप्रिनो हादों। मख'नो गोनादि, लाइमोन गेलेगिरि बिर्जन बसुमतारिआ मोनसे गोरिब नख'रनि फिसाज्जला। गावनि गेलेनायखौ गोजौ फार्से लानायनि गोसो दडब्लाबो माल्बाबा रंखाथिनि आंखालआ बिथानि गेलेनायखौ होबथादों। नाथाय आंगो बिमाआ गावनि फिसाज्जलानि हास्थायनाय आरो नाजानायखौ थाबथानो होयाखे। रां दाहार लानानै गावनि फिसाज्जलाखौ मुलुगनां थाखोनि बादायलायनायाव गेलेनो हगारहरदोंमोन। गमामायैनो फिसाज्जला बिर्जन बसुमतारिआ गावनि बिमानि हास्थायनाय बायदियै गोखौ नाजानाय आरो गेलेनायनि गेजेरजों बिमानि खाथियाव लानानै फेयो सनानि मेडेल। मुलुगनां थाखोनि बे बादायलायनायाव बिर्जन बसुमतारिआ गोबां दुखु खस्थनि गेजेरजोंसो बाहागो लाहैनो हादोंमोन। गेलेनायाव गोसो गुदु लाइमोन बिर्जन बसुमतारिआ गावनि न'निफ्राय खमैबो 25 कि:मि: जान्थायसिम साइकेलजों थनानै गेलेनायनि सोलोंथाइ लाहैयोमोन। नाथाय दुखुनांथाव बाश्राया जाबाय रंखाथि ओंखालनि थाखायनो माखासे गेलेनायफोरव बाहागो लानायनिफ्राय जानगराव थाबोनादों बिर्जन बसुमतारिआ। मुलुगनां थाखोनि बे बादायलायनायाव गावनि गिबि खेब बाहागो लानायनो सनानि मेडेल देरहानाया बिर्जन बसुमतारिआ सिगां फार्से आवगयलानो हागोननि फोरमानखौ दिन्थिदों। लोगोसे बर' हारिनि थाखाय गोगानाय लाबोदों।

(1 बिलाइनिफ्राय)

कारिगावआव कक्राझार सहरसिम बरायनाय गेटनि अन्थाइ खाम्फा गायसन्दों

बिसायख'थियावबो बिपिएफ दोलोआ जेननांगोन होन्नायै बुडे। गुबुन फार्सेथि, राइज्योआव सोमजिनाय दै बाना आरो हा खुरखानायया गिखंथाव महर लानाय जाथायखौ दुखुनांथाव होन्ना फोरमायनानै मिथिगानि बे बायदि गिखंथाव महरआ राइज्योनि सरसन्ना जिउआव गोहोम खोखेदों होन्ना मख'नानै बिटिसिआव दै बानानि गोहोम गोलैयाखे होन्नायै प्रमद बर'आ बुडे। अदेबानि गुबुन गुबुन दैसाफोरव हा खुरखानाय जागायजेन्दों आरो बेफोरनि सायाव सुलु लानायजों लोगोसे इफि मेलाव सावरायनानै फौगौ बोसोरआ बेनि सायाव राहा लानाय जागोन होन्नायै बिथाड बुडे। मख'नो गोनादि, 31 नं माहारियारि राजा लामानि कारिगावनिफ्राय कक्राझार सहरसिम बरायनाय गेटनि अन्थाइ खाम्फा गायसन्नाय हाबाफारियाव बिटिसिनि गहाइ मावफुं सोद्रोमा प्रमद बर' बे बाश्राखौ बुडे। बिटिसिनि सदर कक्राझारसिम दावबायफेग्रा सुबुंफोर दानिया कारिगाव लामायाव बरायनाय गेटजों हाबनांगोन। मानोना 31 नं (ग) माहारियारि राजा लामा फोनांजाब कारिगावआव मोनसे समायना बराय गेट लुनाय जागोन आरो दिने बे बरायनाय गेटनि अन्थाइ खाम्फाखौ गायसन्नाय होयो बिटिसिनि गहाइ मावफुं सोद्रोमा प्रमद बर'आ। मख'नो गोनादि, 1 कौटि 81 लाख रंजों लुनो गोनां बे बायनाय गेटआ ओन्सोलनि समायनाथिखौ बांहोगोन। दिने बे गेटनि अन्थाइ खाम्फा गायसन्नाय खौरं बिजोनि सिगाडव बे बाश्राखौ प्रमद बर'आ बुडे। बिथाड फौगौ 12-14 दाननि गेजेराव लुफुंजानो गोनां बे गेटखौ ओन्सोलारि थिमनि बिथायाव डिजाइनजों लुनाय जागोन होन्नायै बुडे। बेनि अनगायैबो जोहोलाव दैमासुनि मुसुखाखौ फेदेरनाय, खाथियाव सिखोना जोहोलावनि मुसुखा लुनाय आरो बे गेटनि खाथियाव बर' जारिमिननि बेकग्राउन्डखौ लानानै मुलुगदंखा स'ना गाब मोखायनि मुसुखाजों लुफुंनय जागोन होन्नायै प्रमद बर'आ मिथिहोयो। दिनेनि अन्थाइ खाम्फा गायसन्नाय हाबाफारियाव एमएलए लरेन्स इस्लारी, बिटिसिनि लेडाइ गहाइ मावफुं सोद्रोमा गबिन्द बसुमतारि आरो बिटिसिनि मावफुं सोद्रोमा उकिल मुसाहारीआबो बाहागो लायो।

तामुलपुरआव गारि लाखिनानै रां दाबिया सा 7 लाइमोनफोरजों लोगोसे गनै गारि हमदों

दुथां लाइमोनफोरा राजा लामायाव आखाइयाव र'ड, हकि स्टिक लानानै गारिनिफ्राय रां दाबिनानै लामाजों थालाय-फैलाय खालामग्रा सुबुंफोरनि गेजेराव गिखानाय थासारि सोमजिहोदोंमोन। पुलिसआ हमनाय रां दाबिया सा 7 लाइमोनफोरखौ हिमासु नाज्जिरि, पंकज बर', मिथिगा बर', धुब बर', राजु शरनिया, धुबन्ज्यति भरालि आरो दिफन्ज्यति वैश्य होन्नायै सिनायथिदों। बे रां दाबिनय जाथायजों लोब्बा थानाय गुबुन माखासे लाइमोनफोरा खारखुमानानै दड। तामुलपुर पुलिसआ संदानाय हाबाफारि लानायनि उनाव जाथायजों लोब्बा थानाय गासै सा 7 लाइमोनफोरखौ हमनो हायो। लोगोसे बे जाथायाव बाहायनाय एएस 01 इ बि 3173 आरो एएस 01 डि आर 2733 नम्बरनि गनै गारिखौ बोखाडे। हमनो हानाय लाइमोनफोरनि हँथायै तामुलपुर पुलिसआ गसर थिसन्नाय संदानाय हाबाफारि लादों।

सा 150 नि बांसिन बि पि एफनि सोद्रोमाफोरा..

हेफाजाबगिरिफोरा इउपिपिएल दोलोनि खामानि मावनाय आरो आदसंखौ मोजां मोनानै हेफाजाब होनो आवगायबोनायखौ नुनो मोन्दों। थानाय माखासे सानफोर सिगांनिफ्राय बिपिएफ आरो गुबुन गुबुन राजख्वाथि दोलोनि दैदेनगिरि, सोद्रोमा आरो हेफाजाबगिरिफोरा इउपिपिएल दोलोआव जइन जानायनि उनाव दिने फिन आरोबाव सा 150 नि बांसिन बिपिएफनि सोद्रोमाफोरा इउपिपिएल दोलोआव हाबफेदों। कक्राझारनि चान्दामारिआव थानाय बड'फा काल्थोरल कमप्लेक्सआव खुंनाय इउपिपिएल दोलोनि मोनसे मेल जथुमनायनि गेजेरजों दिने देबरागाव ब्लक कमिडिनि सिडव थानाय कक्राझार सहरनि वार्ड नं 4 निफ्राय गासै सा 150 बिपिएफनि हेफाजाबगिरिफोरा इउपिपिएल दोलोआव जइन जाफैयो। इउपिपिएल दोलोनि आफादगिरि आरो बिटिआरनि गहाइ मावफुं सोद्रोमा प्रमद बर', आसामनि केबिनेट मन्थि उखांव गोरा ब्रह्म, इउपिपिएलनि गहाइ नेहाथारि राजु कुमार नाज्जिरि, एमएलए लरेन्स इस्लारि, एमएलए जिरन बसुमतारिजों लोगोसे दोलोनि दैदेनगिरिफोरा बिपिएफनिफ्राय हाबफेनय सा 150 गोदान सोद्रोमाफोरखौ पुलम गामसा आरो दोलोनि फिफरिला गानहोनायै इउपिपिएलआव दुंबुदयै बरायनानै लायो। कक्राझार सहरनिफ्राय खेबसेयैनो सा 150 नि बांसिन बिपिएफनि सोद्रोमाफोरा इउपिपिएलआव हाबफेनयनि थाखाय बिसोरनिसिम साबायदर जासिनानै फेबाय थानाय समाव दोलोखौ गोखौ खालामनायनि गेजेरजों राइजो-राजाफोरनि थाखाय साबसिन सिबिथाइ आरो जौगालु खामानि मावलांनो हागोनखौ मिजिथिनाय फोरमायदों इउपिपिएलनि दैदेनगिरिफोरा।

भवानिपुर दखरा फरायसालिमानि बान्जायनायाव फिजिक्स आयदानि सानथमनि अनलाइन ...

खुंफुंजायो। मख'नो गोनादि, थानाय 2 जुलाईफ्राय सानथामनि हाबाफारिजों खुंनाय जथुमनि बराय बिबुंथि होयो भवानिपुर दखरा फरायसालिमानि गोरयुं मानस कुमार चक्रबर्टीआ। भवानिपुर दखरा फरायसालिमानि लोगो बिबुंथि फारियै ७ बिबेक बरुवा थापा, ७ दर्पन भट्टाचार्य, ७ राजकमल काकति आरो ७ नबिन पकरेलनि दैदेननायाव खुंनाय सानथामनि हाबाफारियाव भारत हादतनि अनगायैबो माखासे हादतनि बिबुंथि, फरायसाफोरा बाहागो लायो। हादतनि दाब-दाब जायगानि आइआइटी, आइआइएएसइआर, एनआइटी, मिरु आरो राइज्यो मुलुगसोलोंसालि, फरायसालिमा, इन्जिनियारि फसंथाननि बिबुंथि, फरायसापोरा बाहागो लानाय जथुमाव आमेरिका, इटलि, सुइडेन, आयरलैन्ड, खोला आफ्रिका, चिलि, जापान बायदि हादतनि सोलोंथाइ फसंथाननि बिबुंथि, फरायसाफोरा बाहागो लानानै बिबुंथि होयो। मख'नो गोनादि, आसाम बिज्ञान बिरोंदामिन आरो आबहावा गुबुले आफाद आरो आसाम बिज्ञान आफादनि रंखाथि हेफाजाबाव सानथामनि फिजिक्स यदाखौ लानानै बे अनलाइन जथुमखौ खुंनाय जायो।

'किल' सावथुननि भिलेन राघव जुयालआ शाहरुख खानजों गावखौ रुजुदों

डान्स इन्डिया डान्स रियेलिटी स्व 'निफ्राय' गावनि केरियारखौ जागायबोनाय राघव जुयालआ सासे मोजां फावखुंगुखो। राघवआ दासिम वेब सिरिज आरो सावथुनफोरव बाहागो लाखांबाय। बिथाड 2014 माइथायाव सावथुन 'सनालि केबल' आव खामानि मावदोंमोन। बेनि उनाव बिखौ एबिसिडि 2, नबाबजादे, स्ट्रट डान्सर 3 बायदि सावथुनफोरव खामानि मावनाय नुदों। दाबावैसो बिथानि सावथुन 'किल' आ सिनेमाहलफोरव रिलिज जाबाय, जेराव बियो गिबि खेब भिलेन खलनायकनि फावआव नुनोमोन्दों। बियो दाबावैसो सावथुनाव गावनि फावखौ लानानै सावरायदों आरो लोगोसे गावनि सावथुन मुलुगनि



दावबायनायखौ शाहरुख खानजों रुजुदों। किल सावथुनखौ राघव जुयालआ जोबोद स्पेशल सानो। बेयाव गिबि खेब बिथाड भिलेन जानो थाखाय खाबु मोन्दों। सावथुननि सोमोन्दै राघवआ बुंदोंदि, सिगांनिफ्रायनो पर्दायाव भिलेननि फाव दिन्थिनो गोसो दंमोन। जेब्ला अडिसननि गिबि सिनखौ फरायो अब्ला अन्तर

आत्मनिफ्राय राव फैदोंमोनदि बे खाबुआव मख 'जाथाव फावगिरिनि गोदानै दावबायनायखौ जागायगोन। अदेबानि बेनि सिगांबो आं सावथुनफोर खालामदों, नाथाय बे खाबुखौ लानानै हमनो हादोंमोनदि, बेयो एसे आलादा जागोन। जेब्ला स्क्रिप्ट फरायो अब्ला हमदांदोंदि, बेयाव गोबां शेट दिन्थिनायनि खाबु

मोनगोन। आंहा एक्शन खालामनायाव जोबोर मोजां मोन्दों। शाहरुख सारआबो टिभिआव दंमोन। उनाव सावथुनाव कलनायकनि गेजेरजों बिनि दावबायनाया जागायो। आंजोंबो बिबिदो जादों। एंकरनि उनाव सावथुनआव कलनायक जानो थाखाय खाबु मोन्दों। सावथुनाव हिंसा खालामनायखौ दिन्थिनायनि सावरायदों। राघवआ बुंदोंदि, बियो सिनेमासो आरो सल'सो। जों माखासे

हिंसाफोरखौ बारायहोनो सावरायखौ। सावथुन मुलुगनि माबायदि बिबिद मुवा दड, जायखौ किल खालामनांगो? राघवआ बुंदोंदि, सिगां सावथुनखौ शूट खालामगो उनाव थिएटरआव दिन्थिदों। प्रमशनआ किल खालामनांगोन। अदेबानि बेनि थाखाय मोजाडै थियारि जानो नांगो। मोनसे मुवा आरोबाव किल जानांगोदि बयबो हिन्दी रोडो जेब्ला बेयाव इराजो बुंनाड।

'चन्दु चैम्पिय' नि डायरेक्टरआ सुबुंफोरखौ जाफुंसारनायजों बर्बाद जानाय नुदों



गावनि सावथुननि केरियारआव मोनसेनि उनाव मोनसे सुपारहित सावथुन होरा दिहुनगिरि कबिर खानआ दाबावैसो कार्तिक आर्याननि सावथुन 'चन्दु चैम्पियन' खौ लानानै सावरायगासिनो दड। मुसलिकान्त पेटकरनि जिउनि सोमोन्दै बे सावथुना बुहुमनाडैनो 100 कौटिनि क्लबआव बाहागो लानो थाखाय थियारि जाबाय। बावैसो सिगां सावथुननि डायरेक्टर कबिर खानआ मिबथिहोदोंदि, बियो जाफुंसारनायखौ बांद्राय गोथौयै मानो लाया। बेनि गेजेरजोंनो बिथाड गावनि प्रजेक्टसखौ लानानैबो दैनिक जागरणजों लोगोसे सावरायदों। नों जिउआव जेखौ खालामनो सान्दों जुदि बेखौ नों नोंनि हिसाबै खालामनो हायो, अब्ला नों चैमपियन। गोबां खेब सुबुड जाफुंसारनाय जानानैबो खामानिखौ गावनि हिसाबै खालामनो हाया बियो असे जाफुंसारनाय नड गोरलैयाथ' जिउआव जेबो गैया। मोनफ्रोम बेसादिनि थाखाय इसेथ' भुगिनांखागोन। सावथुन मुलुगआ बिबिद मोनसे जायाग जेराव खामानि मावनो थाखाय रोजा रोजा सुबुं फेयो। बयहाबो सिमां थायोदि, फावखुंगुंर जानो, दिहुनगिरि जानो। बैयाव गावनि रावखौ सहैहोनो गोरलै जाया, नाथाय मुजिनायाबो बेवनो दड। गोबाव बोसोरनिफ्रायनो आं इन्डास्ट्रीयाव गावनि फरायनाय सुबुंफोरजों खामानि मावबोदों, आं नुदोंदि, जाफुंसार जानो हायैनिखुडू बांसिन सुबुंफोरखौ जाफुंसारनाया बर्बाद खालामो। सिगां मोनसे खौरां फैदोंमोन क्रसअवरनि, सुबुंफोरा बुंदोंमोनदि, जों क्रसअवर सावथुन बानायागासिनो दड, जाय क्रसअवर एबा पेन इन्डियानि सावथुनफोर जागोन, बियो जानायाव आरो दिन्थिनायनि उनावसो मिबथिनो मोनगोन। जुदि नायगिरिफोरा बे सावथुनखौ मोजां मोनगोन, अब्ला बियो पेन इन्डियानि जायगायावल' मानो, पेन वर्ल्ड जायगायावनो थानो हागौ।

सावथुन 'एनिमेल' आव फाव खालामनाय सल 'निआ गाहाइ फाव मोनो हास्थायो



एनिमेल बायदि सुपारहित सावथुनआव रणबिर कापुरनि बिब रिटनि फाव दिन्थिनाय सल 'नि बत्रानि नेनानै थानाया जोबोर बांदों। सावथुनाव बिथानि फावआ जोबोर फिसामोन नाथाय बे फावआ अडियन्सनि सायाव मोनसे दोहौ गालांदों। आथिखालाव बियो औरैबायदि प्रजेक्ट खालामनो सान्दों, जेराव बियो गाहाइ फाव दिन्थिनो आरो पस्टरआव फेनो थाखाय खाबु मोनो। बावैसो सिगां बिखौ जिय' सिनेमायाव रिलिज जानाय वेब सिरिज गान्ठआव नुनो मोन्दोंमोन। खौरानि बायदिब्ला, सल 'निआ

बुंदोंदि, 'एनिमेल' सावथुननि उनाव आंहा जोबोर अन्नाय आरो सिनायथि मोन्दों। मख 'जाथाव फावगिरिफोरा आंनि थाखाय लामा बेखेवना होदों। गान्ठआव गाहाइ फाव मोननाय जाहोनाव आं आंनि सिमांनि फारसे आवगायनो नाजादों। बबेखानि जेब्ला, सल 'निनाव सॉल सॉनाय जादोंदि, जिउनि बबे गाथिखौ सुखानायाव बयनिखुडू बांसिन सम नांदों? बेनि सायाव सल 'निआ बुंदोंदि, 'जिउनि गासिबो बिथिंआवनो नोंथाड मोनसे गोदान गाथिखौ सुखानो मोनो। बेनो जिउ। जेब्लाबो जेबो जेना गैयै जाफेरा। जों

बिग बस अटिटि 3 निफ्राय बायजोआव फैनानै पायल मालिकआ राखि साबन्तनि सायाव फिनजाथाइ होदों

जे बलानि फ्राय आरमान मालिकआ बिग बस अटिटिआव गावनि सानै बिसिफोरजों फैदों बे समनिफ्रायनो बियो टार्गेट जागासिनो दड। एखनब्ला सानै बिसिफोरखौ दोन्नायनि जाहोनाव एखनब्ला गुबुन जाथायनि जाहोनाव इडुटुबारआ सावरायनायाव जेब्लाबो दंबायथायो। आथिखालाव दा बिथानि गिबि बिसि पायल मालिकआ स्व 'निफ्राय बायजोआव फैबाय आरो दा बियो नैथि बिसि कृतिकाजों लोगोसे स्व 'नि बाहागोआव दड। बेनि गेजेरजों राखि साबन्तखौ कन्ट्रभासि क्रिएट खालामनि आरो बिनि लाइफनिफ्राय बायजोआव थानो थाखाय बुंदों। अदेबानि पायलनि बिग बसनि न 'निफ्राय बायजोआव फैनांनयनि सायाव राखि साबन्तआ बुंदोंमोनदि, बियो बिनि जास्टिसनि थाखाय जुजिगोन। दा पायलआ बिखौ खोथा खोनासंहोनानै गावनि नख 'रनिफ्राय जानगाराव थानो थिन्दों। पायलआ बे बाश्राजों जोबोद रगा जादोंमोन। बिथाड



जाय भिडिअखौ शोयार खालामदों बेयाव बियो बुंदोंदि, आं सानो नोंहा जेबो खामानि गैया बेनिखायनो नोडो आंनि नख 'रखौ टार्गेट खालामदों। नों बुंदोंदि, नों आंनि थाखाय जास्टिस बिगोन नाथाय आं नोंनाव जेबो न्याय बियाखै। नोंहा बै साथाम एबा साब्रे सुबुंखौ जास्टिस होनो गोनांथि दड, जायजों नों जुलि खालामदों। पायलआ आरोबाव बुंभावदों, कृतिकाखौ नोंथांआ छिपकलि बुंदों आरो आरमानखौ सोंखारिदों? नोंखौ सोर बुंआ जे आंनि थाखाय जास्टिस बिनो? नोंथाडा खालि कन्ट्रभासि क्रिएट खालामनो

4 जुलाईआव आमेरिकायाव उदांसि सान फालिनाय जायो

4 जुलाईआव आमेरिकायाव उदांसि सान फालिनाय जायो। बे अक्टआव आमेरिका नि जांरिमिननि बिथिंआव माखासे सावथुनफोरखौ हलिउडआव बानायनाय जादों, जेराव मुंदांखा फावगिरिफोरा खामानि मावदों। बिबिद सावथुनफोरबो फैबाय थादों, जेराव हवाइ हाउसआव उतखारिनि दाडाबाजिनि सल 'खौबो दिन्थिनाय जादों। बेयाव माखासे सावथुनफोरा आमेरिकानि बायजोआव गुबुन



सावथुना दासतानि बेरेखायै अब्राहम लिंकननि भुगिनांनयखौ दिन्थिनाय जादों। आमेरिका संबिजिरआव 19 थि जौथाइयाव जागायनाय

इन्डिफेन्डेन्स डे साइन्स पिक्शन एक्सन सावथुन, जेराव विल स्मिथ, विल पुलमेन आरो जेफ गल्डब्लमआ गाहाइ आखुथाइफोर दिन्थिदोंमोन। बे सावथुनाव दिन्थिनाय जादोंदि, आमेरिकानि उदांसि साननि सान्दों सिगां हादतआव एलियन एटेक जायो। बे 1996 माइथायनि हाइएस्ट ग्रासिं सावथुन। 1989 माइथायाव रिलिज जानाय बर्न अन द फर्थआ जुलाई बाय 'ग्राफिकेस एन्डि वार सावथुन। अलिबर स्तनि

गाहाम देहानि राहा

फुडव एसेल' हालदै जानाया सावस्त्रिनि थाखाय मुलाम्फा गोनां



हालदैया औरैबादि बेसाद, जायखौ नोंथाड गोरलैयैनो हाथाइयाव मोनो हायो। हालदैया जाग्रा आदारनि गाब आरो थावनायखौल' बाराया बेजों लोगोसे गोबां बेमारफोरखौबो बोखारनो हायो। जुदि नोंथाड फुडव उदें खालियाव थुखासे हालदै जायोब्ला बेयो मोदोम देरनायखौ बाडय खालामनायाव मुलाम्फा जायो, लोगोसे हालदैयाव एन्टी-बेक्टेरिया आरो एन्टिफांगल गुनफोर थायो, जाय खुगानि सावस्त्रिखौ साबसिन खालामो। हालदै जानायजों बे मार होबथानो हानाय गोहोआ गोखों जायो। बेनि अनगायैबो हालदैया उदेंजों सोमोन्दो थानाय गोबां बेरामफोराव मोजाडै खामानि मावो। मख 'नो गोनांदि, हालदैया मस्लाफोरनि सावस्त्रिनि थाखाय मोनसे धोन बाखि एबा फुंखा। फुडव हालदै जानायनि साबसिन राहाया जादों सिखारखानायनि उनाव गिलाससे दै लॉनायजों बेयाव हालदै होफादेरनानै लॉनाय। जुदि नोंथाड लुबैयो

अब्ला हरनि समाव थुखासे हालदैयै दैयाव दोनान्गौ आरो फुडव गुदुं खालामना लॉनांगौ। नडब्ला फुडव लॉब्ला बेयाव थुखासे हालदै होनानै गरम खालामनांगौ आरो बे दैखो लॉनांगौ। हालदैनि दैखो खुगायाव लानाय समाव लासै-लासै लॉनांगौ। बेनि उनाव दसे समनि थाखाय गुबुन जेबो जानो नाड। उदें खालियाव हालदै जानायनि मुलाम्फाफोरया जाबाय-
1. सानफ्रोमबो थुखासे हालदै जानाया लिरथाइखौ बाडय खालामनायाव हेफाजाव होयो। मोदोम देरनायखौ बाडय खालामनो थाखाय हालदैनि दै लॉनांगौ।
2. हालदैनि दै लॉनाया हजम जानायखौ मोजां खालामो आरो उदेंखौ मोजाडैसाफा खालामो।

मिर्जापुर 3 सिजनखौ नायगिरिफोरा सरासन्त्रा रिस्पन्स होदों



पंकज त्रिपाठी आरो अलि फजल स्टारनि मिर्जापुरआ फिन खेब आरोबाव गावनि ब्रान्ड निउ सिजनजों लोगोसे गिदिनानै फैदों। कालिन भैया आरो गुडडु भैयाजों लोगोसे पुवांन्वलनि जायगा आवग्रिनानै लानो थाखाय फिन खनसेबाव बयबो गावनि बोलो आरो बुद्धि बाहायनायखौ नुनो मोन्दों। जेब्ला मेकासफोरा बे सिजनखौ फोसावदोंमोन, अब्लानिफ्रायनो बेखौ लानानै नायगिरिफोरनि गेजेराव गोबां बोदोरबावलि जादोंमोन आरो दा फाइनालि अटिटि प्लेटफर्म एमाजन प्राइम भिडिअयाव बे वेब सिरिजआ रिलिज जाबाय, जायखौ माखासे नायगिरिफोराबो नायखांबाय आरो सशेल मिडियाआव

बियो गावनि हमदांनयखौ फोरमायनायजों लोगोसे मिबथिहोदोंदि, बिथाडा 'मिर्जापुर-3' नि गोदान सिजनखौ माबायदि मोन्दों। मिर्जापुरनि गिबि आरो नैथि पार्टआव कालिन भैयानि रणनिटिनिफ्राय लानानै गुडडु भैयानि चालाकि आरो बुथारलायनायसिम गिबि आरो नैथि सिजनआव गोबां जिनिसफोर अन्साइगिरिफोरा बिबिद नुनो मोन्दोंदि, सिगांनिखुडू बांसिन पावारफुल कन्टेन्टजों लोगोसे मेकासफोरा सलखौ आवगायबोसिगोन, नाथाय बिबिद जागोनखौ नुवाखै, मानोना मिर्जापुर-3 खौ नायगिरिफोरा सरासन्त्रा रिस्पन्स होदों। माखासे

सुबुंफोरा बे वेब सिरिजनि सलखौ जोबोद अन्साइगासिनो दड, नाथाय माखासेया बे सल'खौ बारा मोजां मोनाखै। सासे इजजारआ लिरदोंदि, मिर्जापुरनि 1थि आरो 2थि सिजनआ जोबोद मोजांमोन, नाथाय 3थि सिजना जोबोद बेकारमोन। ना कन्टेन्ट दड ना सल' दड बेयो जोबोद बरि सिजन। मुनाखौ जों जोबोद मिस खालामदों, जेबो मोजां डायलग्सबो गैया। सासे इजजारआ वेब सिरिजखौ बाखानायावनानै लिरदों, सिरिजनि सल'खौ गोबां मोजाडै लिरनाय जादों, टीमनि गासैबो हान्जायानो मोजां खामानि मावदों। कालिनआ गुडडुनि बेरेखायै सिफेमजों आखाय हमलायदोंमोन फैगौ सिजननि थाखाय। नाथाय आं गोबां आसा खालामदोंमोन। सासे बाव अन्साइगिरिया मिर्जापुरनि सिजन-3खौ जोबोद अन्साइदों आरो बिथाडा लिरदों मिर्जापुर-3 नि गिबि एपिसदआ मिर्जापुर-1 नि गोजाम स्वेग लानानै फैफिन्दों।

इज्राइलआ वेस्ट बैंकआव दर 3 गामि आरो रोजा-रोजा न' लुनायनि गनायथि होबाय

जेरुजालेम, 5 जुलाई : इज्राइल सरकारआ देखलाव लानाय सोनाबारि बोरिमायाव माखासे आइन बैरखायै फर्सनाय गामिफोराव 5,295 गोदान रेजिडेन्सियल इडनित एबा थाग्रा बाहागोफोरोनो गनायथि होयो। बे खौरांखौ मोनसे नोजोर लाखिग्रा हान्जानि मिबथिहोनायाव सोराडाव फेदों। बेजों लोगोसेनो फिलिस्तानी बाहागोआव दर 3 गोदान गामिफोरावो गनायथि होयो। इज्राइली एनजिअ पिस नाउया वृहस्पतिवारआव बेनि खौरां होयो। फारसेथिं सानसे सिगां हान्जाया बुंदोंमोनदि, इज्राइल



सरकारआ 30 बोसोरनिफ्राय बाउसिन समाव सोनाबारि बोरिमायाव बयनिखुइबो देरसिन हा जब्द' खालामनायनि गनायथि होयो। गोदान एपुभेल एबा गनायथिनि जाहोनाव जेनाया बांसिन जानो हागौ मानोना गाजायाव इज्राइलनि

गालोबहैबाय थानायनि गेजेराव देखल खालामना लानाय सोनाबारि बोरिमायाव फिलिस्तानीफोरा इज्राइल सान्थि आरो बैयाव थाग्राफोरनि बांबोनाय गालोबनायजों मोगा-मोगि जानादों। पिस नाउया वृहस्पतिवारआव मोनसे

बिबुथियाव बुडोदि, गावसिनि सरकार देखलआव लाजानाय वेस्ट बैंकआव सर्पटनि नेम-खान्थि सोलायनायखौ लाखिलादों, जायजों सुफुनो हायै ख'हाबो जानादों। बे फिनायाव बिथाडा गहाइ मन्थि बेन्जामिन नेतन्याहु आरो रंखाथि मन्थि बेजालेल स्मन्त्रिचखौ सों खारियो। सोनाबारि बोरिमायाव 100 नि बांसिन गामिफोराव 500,000 नि बांसिन इज्राइलनि नोगोरारिफोर थायो। बिसोर बैयाव थानाय अस्त' गोरबथायाव बुंथिनाय यजनाफोरनि थाकाय मोनसे गिदिर हेंथा जाना दड, जेराव

इज्राइली बेंखनाव थानाय ओन्सोलखौ लासै लासै फिलिस्तानी फोरनो हगारनायनि खोथा होनाय दंमोन। गोदान गामिफोरनि गनायथिया पिस नाउनि गेजेरजों रिपट खालामनायनि सानसे उनाव सफेदों, जेराव बे बोसोरव दासिम इज्राइलआ देखलाव थानाय वेस्ट बैंकआव 23.7 बर्ग कि:मि: हाखौ गावनि होना फोसावदों आरो बेखौ गुपआ गनायजाथावै होना बुंदों। बेयाव थानाय दाननि जोबथायाव होनाय जर्दान हायेनआव 12.7 बर्ग कि:मि: हा जब्द' खालामनायनि गनायथिआबो दंफायो।

ऋषि सुनकआ ब्रिटेननि बिसायख 'थियाव जेन्नांबाय

लन्डन, 5 जुलाई : ब्रिटेननि बिसायख 'थियाव ऋषि सुनकनि कन्जार्भेतिभ पार्टीआ गोखोडै जेन्नाडो। लेबार पार्टीआ बे सरासन्ना बिसायख 'थियाव गोखोडै देरहासार जायो। जेन्नायनि उनाव ऋषि सुनकनि बिबुथिया सोराडाव फेदों। बिथाडा बुडोदि, बिसायख 'थियाव देरहासारनो हानाय लेबार पार्टी आरो बेनि दैदेनगिरि किर स्टारमारनो हामब्लायथि होनो फन खालामदों। सिगां फारसे बिथांआ बुडोदि, दिने खुंथाया गोजोनै आरो खान्थि बायदियै गासिबो हान्जानि गनायथिजों गोदान दैदेनगिरिनि आखायाव थांगोन। माखासे मोजां, नाजाथाबग्रा बिजाथिफोरनि जेन्नायनि



बिबानखौ बिथाडा लानानै गोखों नाजानाय, गावनि लकेल रिक्ड आरो गावनि फोलेरारिफोरनि हेफाजाब मोन्नायनि गेजेरावबो जेन्नायनि थाखाय गावनि गोथौ दुख मोन्नायखौ बिथाडा बुंथियो। फारसेथिं लेबार पार्टीनि दैदेनगिरि आरो ब्रिटेननि गोदान गहाइ मन्थि जानो थांनाय किर स्टारमारआ

भटारफोरनो साबायखर होनानै हादतनि सुबुंफोर सोलायनायनि थाखाय थियारि होना बुडो। हलबर्न आरो सेन्ट प्रेनक्रासजों देरहानायनि उनाव देरहासाद बिबुथिआव 61 बोसोर बैसोनि स्टारमारआ बुडोदि, बिसायख 'थियाव गावनो भट होनाय आरो होयै गावनि बियाबनि गासिबो सुबुंफोरनो सिबिथाइ होगोन।

सासे 65 बोसोरनि सुबुं आरो आइजोआ मेट्र ट्रेनआव बुज्जायदों



बेइजिं, 5 जुलाई: चीननि मेट्रनिफ्राय मोनसे सोमोनाथाव जाथाइ सोराडाव फेदों। चीननि सासे सुबुंआ मेट्रआव सासे आइजोखौ गावनि थखन एबा लावथिजों बुनाय भिडिआ सशेल मिडियाआव गोसारदों।

लावथिजों बुना सुबुज मेट्र ट्रेनआव बुजाग्रा आइजोखौ जिरायनाय सिटनिफ्राय सिखारनो थिन्दोंमोन आरो गाव जिरायनो नागिरिदोंमोन। नाथाय जिरायना थानाय आइजोआ सिटखौ हगारना होनो नेवसियो। बेयावनो

सिखारनो थिनग्रा सुबुंआ हख्रावो आरो गावनि थखनजों बिखौ बुयो। बे जाथाइयाव सानैनि गेजेराव गोखों नंज्जायनायबो जादों, जाय सशेल मिडियाआव गोसारदों। ग्लबेल टाइम्सनि रिपट बायदिब्ला, बे जाथाइया बेइजिं साबवे लाइन 10 आव जादोंमोन। भिडिअयाव आइजोखौ गावनि सिटखौ हगारना होनो बुंदों। नाथाय लाइमोनआ नेवसियो आरो गावनि सिटखौ गुबुन रावनोबो हगारा होना बुडो। बेनि उनाव बै सुबुज लाइमोन आइजोखौ लावथिजों

आथिंआव बुयो आरो आखाइजोंबो बुयो। बेनि उनाव जाथाइया गोब्राबसिन जायो। भिडिअ क्लिपआव बै सुबुज बुंदों, पुलिसखौ लिंहर, जों स्टेसनआव थांगोन आरो आं नोंखौ जंखायदों होना बुंनो हागोन। ट्रेनआव सिटनि थाखाय नंज्जायनाय बे भिडिअ क्लिपआ माइक्रब्लगिं प्लेटफर्मआव गोबां लाइक मोन्नो हादों आरो सेयारबो खालामदों। सोरबा इजजारआ बे जाथाइखौ लाजिथाव होना बुंदों। सोरबाया बुना सुबुंखौ जकार होनाबो बुंदों।

रसियाआ मबाइल मिसाइल आन्जाद नायदों

मस्क', 5 जुलाई : रसिया आरो इडक्रेननि गेजेराव गोबाव दाननिफ्रायनो सोलिगासिनो थानाय दावहानि गेजेराव रसियाआ मबाइल निडक्लियार मिसाइल टेस्ट खालामदों। रैखाथि मावख'नि मिबथिहोनायनिफ्राय यास मिसाइल लन्वार हान्जाया मोनै इडनितनिफ्राय आवगायलानो थियारि जाबाय होना मिबथिनो मोन्दों। फारसेथिं 100 कि:मि: गोजानाव थिसन्थाइनि थाखाय गंसे मिसाइलखौ आन्जादबो खालामदों। इयुनाव माखासे



हान्जाफोरा बे हुदायाव बाहागो लाबावगोन होनाबो बुंनाय जादों। बे मिसाइलनि जर'खा बाथ्राया जादों बेयो मबाइल बेस्ट मिसाइल आरो बेखौ ट्रकजों दाबसेनिफ्राय गुबुन दाबसेयाव लांनो हागौ। बेनि सिगांबो रसियाआ गावनि माखासे मिसाइलखौ आन्जाद नायखांबाय। बावैसो सिगांबो कपुस्टिन यार रेन्जनिफ्राय टप सिक्के ट इन्टार-कन्टिनेन्टल बेलिस्टिक मिसाइल (आइसिबिएम) खौ आन्जाद नायदोंमोन। रिपटनि बायदिब्ला, बे मिसाइलआ गुन्दासा एबा निडक्लियार बमा

गालोबनायावबो बाहायजायो। बेजों रसिया सान्थिया गोखोंसिन बोलो मोनगोन आरो हादतनि रैखाथिखौ गोखोंसिन खालामनायाव मदत मोनगोन। मख'जाथावदि, बेयो मोनसे सलिह फुयेस मिसाइल, बेखौ हायाव बबेबा खारबाय थानाय गारियावबो थिसन्ना हानाय जायो। फारसेथिं रसिया-इडक्रेन दावहानि बाथ्रा बुडोब्ला, हादतगिरि ब्लाडिमिर पुतिनआ बावैसो सिगां इडक्रेननि दावबानायाव सोनाबारि हादतफोरनि आखाय होन्नाया बांसिनायखौ लाना जिंगा

फोरमायदोंमोन। बिथांनि बुंनाय बायदिब्ला, सोनाबारि हादतफोरनि बे दावबानायाव बाहागोयारि जानायजों इन्टरनेशनल निडक्लियार बारनि खैफोदआ बांसिन जाबोगोन। रसियाहा ओरैबायदि हाथियारबो दड, जायखौ सोनाबारि हादतफोरव टार्गेट खालामना गालोबनोबो हागौ आरो बेयो सोनाबारि हादतफोरखौ सिगिनाय नडा। बोसोन होनायसो होनाबो बुंदोंमोन, मख'जाथावदि, नाट' हादतफोरा इडक्रे नजों लोगो लानायाव निडक्लियार दावहानि जाथावना खैफोद सोमजिखादों।

इरानआव हादतगिरि बिसायख'थिया खुंजाफिनबाय



दुबाइ, 5 जुलाई: इरानआव हेलिकप्टर जाब्रथाइजों हादतगिरि इब्राहिम खसिनि जिउ गोमानायनि उनाव लांदं जानानै थानाय हादतगिरि मासिनि दिने बिसायख 'थि खुंनाय जायो। बे बिसायख 'थियाव गोखों सावरायगिरि सइद जलिलि आरो सुधारबालि मसुद पेजेहिकयानि गेजेराव मोगा-मोगि जायो। बेनि सिगां थांनाय 28 जुनखालि भट सोनायनि जागायजेन्नाय खोलोबआव रावबो बिजाथिया 50 जौखोन्दोनि बांसिन भट मोनाखैमोन। बेनि जाहोनाव इरानआव फिन हादतगिरि बिसायख 'थि खुंफिनाय जायो।

जोबथेसालियाव जोबजानाय नभेल बान्था देरहासाद नरगिस महम्मदीजों लोगोसे माखासे सुबुंफोरा बे बिसायख 'थिखौ नेवसिनो खावलायदोंमोन। मख'जाथावदि, बिसायख 'थिया दिने फुनि 8:00 रिगानिफ्राय जागायो आरो दैदेनगिरिफोरजों लोगोसे हादतनि नोगोरारिफोरा भट हैयो। हादतनि जौसिन दैदेनगिरि आयतुल्ला आलि खामेनाइया गावनि न'आवनो भटखौ होयो। बिसायख 'थिनि सिगां बिथाडा बुंदोंमोनदि, सुबुंफोरनि गेजेराव भटखौ होनो थुलुंगा आरो गोसो जानायनि बागै गाव खोनानो मोन्दों।

सुबुंफोरा बेयाव बयबो गावनि भटखौ होनागौ आरो हादतनि थाखाय साबजाथाव बिजाथिखौ सायख 'नांगो। बेनि उनायै बिथाडा बुंवावदोंमोनदि, जाय सुबुंफोरा सिगांनि बिसायख 'थियाव भट हैयाखैमोन, बिसोरो हादतनि शिया धोरमारिफोरनि बेरेखा नडामोन। मख'जाथावदि, जायगानि सम बायदियै, बिसायख 'थिआ बेलासिनि 6:00 रिगायाव जोबनांगोमोन। नाथाय भट हैग्राफोरनि अन्जिमाखौ नोजोर लाखिनो बे समखौ हर गेजेरसिम बारयना होयो। पेजेरिफोरनि हेफाजाबगिरिफोरा सांग्रांथि होना बुंदोंदि, जलिलिआ देरहायोब्ला इरानआव तालिबान बायदि सरकार फे गोनि। फारसेथिं जलिलिआ पेजेरिफोरनि सायाव गावनि हेंथायै सुबुंफोरनि गेजेराव गिनाय आरो मुगैनाय गोसार होनायनि दाय जाबसिन्दों।

आटलान्टिक लैथोमायाव नाव गोदोनानै सा 89 सुबुंफोरनि जिउ गोमादों



नौआकशट, 5 जुलाई: मरिटानियानि नौआकशटनिफ्राय मोनसे गिखंथाव जाब्रथाय सोमजिनाय जाथाया सोराडाव फेदों। मरिटानियानि बोरिमा रेखाथि हान्जाया खोला-सोनाब मरिटानियानि एनडियाग' साखाथियाव सा 89 सुबुंफोरनि गोथै सह बोखानो मोन्दों। बिसोर जिउ गोमानायफोरखौ आइन बेरेखायै बैयाव थाहैनायफोर होन्नायै मिथिनो मोन्नाय जादों। सुलुनि बादिब्ला, बिसोर गासैबो ना हमग्रा नावजों गाखोलांदोंमोन आरो आटलान्टिक लैथोमानिफ्राय 4 कि:मि: गोजानआव बबेबा जेनायाव गोलैदोंमोन। सुलुनि बादिब्ला, मरिटानियानि बोरिमा रेखाथि हान्जाया 5 बोसोरनि सासे हिन्जावसाजों लोगोसे सा 9 सुबुंफोरखौ रैखा खालामनो हायो। मख'जाथावदि नावआव गासै सा 170 गुबुन हादरयारिफोर गाखोलांदोंमोन। बिसोरो 6 सान सिगां सेनेगाल-गान्बिया सिमनानिफ्राय इउरप फारसे रावना होलांदोंमोन। माखासे सान सिगां यमानआव अदाननि साखाथियाव लैथोमा बोरिआव गिदिर जाब्रथाय जादोंमोन। बेयाव नाव गोदोनानै सा 49 सुबुंफोरनि जिउ गोमादोंमोन आरो सा 140 खौ नागिरनानै मोनाखैमोन।

नौआकशट, 5 जुलाई: मरिटानियानि नौआकशटनिफ्राय मोनसे गिखंथाव जाब्रथाय सोमजिनाय जाथाया सोराडाव फेदों। मरिटानियानि बोरिमा रेखाथि हान्जाया खोला-सोनाब मरिटानियानि एनडियाग' साखाथियाव सा 89 सुबुंफोरनि गोथै सह बोखानो मोन्दों। बिसोर जिउ गोमानायफोरखौ आइन बेरेखायै बैयाव थाहैनायफोर होन्नायै मिथिनो मोन्नाय जादों। सुलुनि बादिब्ला, बिसोर गासैबो ना हमग्रा नावजों गाखोलांदोंमोन आरो आटलान्टिक लैथोमानिफ्राय 4 कि:मि: गोजानआव बबेबा जेनायाव गोलैदोंमोन। सुलुनि बादिब्ला, मरिटानियानि बोरिमा रेखाथि हान्जाया 5 बोसोरनि सासे हिन्जावसाजों लोगोसे सा 9 सुबुंफोरखौ रैखा खालामनो हायो। मख'जाथावदि नावआव गासै सा 170 गुबुन हादरयारिफोर गाखोलांदोंमोन। बिसोरो 6 सान सिगां सेनेगाल-गान्बिया सिमनानिफ्राय इउरप फारसे रावना होलांदोंमोन। माखासे सान सिगां यमानआव अदाननि साखाथियाव लैथोमा बोरिआव गिदिर जाब्रथाय जादोंमोन। बेयाव नाव गोदोनानै सा 49 सुबुंफोरनि जिउ गोमादोंमोन आरो सा 140 खौ नागिरनानै मोनाखैमोन।

15 साननि गेजेरावनो बिहारआव मोन 12 दालांफोरा बायदों



पाटना, 5 जुलाई: बिहारनि गुबुन गुबुन जिल्लाफोराव दालां बायनाया मोनसेनि उनाव मोनसे नुजाथिगासिनो। बेखौ लानानै राजखान्थिआव दोहौ सिखादों। बिहारनि बारा' लेडइ गिबि मन्थि आरो दैदेनगिरि तेजस्वी यादवआ रइज्योआव दालांफोर बायलानायाखौ लानानै नितिश कुमार सरकारखौ थांखिदों। तेजस्वीआ एकसआव लिखदोंदि, बिहारआव डाबल इन्जिननि गोखों दिन्थिफुनाय सोलिदों, गंसे इन्जिनआ गेनाखान्थियाव नांथाबदों आरो गुबुन गंसेआ क्राइमआव। गासै 15 सानावनो गं 12 दालां बायनाय सरासन्ना जाथाय नडा। बेयो गेनाखान्थिनि गोथां बिदिन्थि। जाय साननिफ्राय नितिश कुमारआ गिबि मन्थि जादों, बेनि 18 दानखौ गारनानै गासै समाव गामियारि हाबाफारि बिफानआ डेजिइडनि आखाइयावनो थादों। बिहारआव

लान्थियै गेनाखान्थिखौ नुनो मोनगासिनो आरो रइज्योआव क्राइमनि जाथायफोराबो नुजाथिगासिनो। बिथाडा लिखबदों, जाय सुबुंफोर खामानि गैया, निखावरि, बेसेन बांनाय, जाय सुबुंफोरनि बिबान मावफुनाय समाव दालां बायदों, बिसोरखौ जों खुंथायाव फेहोफिनाय नडा। लोगोसे तेजस्वीआ पेपार लीक आयदायावबो सोंथि खालामदों आरो बुंदोंदि, पेपार लीक जायै मावे आन्जाद जालांदों। नाथाय बे आयदायाव रावबो जेबो बुडाखै, रावबो बेनि बिबानखौ लायाखै। बेनो गोखों दिन्थिफुनाय आरो बिहारनि बयबो बेखौ नुगासिनो। जाय सरकारआव क्राइमआ बांदों, गेनाखान्थिआ बांसिन जादों, बेसेन बांदों, दालांफोर गोलैदों बेबादि सरकारखौ सुबुंफोरा खुंथायाव लाबोफिनाय नडा होन्नायैबो बिथाडा बुडो। थांनाय 4 जुलाईआव तेजस्वीआ दालांफोर मोनसेनि उनाव मोनसे बायलानायाव नितिश सरकारखौ गोखों रावजों सोंखारिदोंमोन।

मौसुमि बोथोरनि अखायाव दावख्लायनाय फेदों

गोदान दिल्ली, 5 जुलाई : थांनाय माखासे सानफोराव सा, सोनाब आरो सा-सान्जा भारतआव गोबां अखा हानायनि जाहोनाव हादतआव गासै मौसुमि बोथोरनि अखायाव दावख्लायनानै वृहस्पतिवारखालि 11 जौखोन्दोनिफ्राय 3 जौखोन्दोआव थाहैयो। बोथोर बिगियान बिफान (आइएमडि) आ फोरमायनाय बायदिब्ला, सा-सोनाब भारतआव अखाया 33 जौखोन्दोनिफ्राय दावख्लायनानै 14 जौखोन्दोनिफ्राय दावख्लायनानै 8 जौखोन्दो आरो सा-सान्जा



भारतआव 13 जौखोन्दोनिफ्राय दावख्लायनानै 2 जौखोन्दो' थाहैयो। खोला भारतआव दासिमाव मौसुमि बोथोरनि समाव

उफ्रा अखाखौ 13 जौखोन्दो दिखानो मोन्नाय जादों। बिफाननि बायदिब्ला, हादतनि 24 जौखोन्दो लेडइ मन्डल

ओन्सोलफोराव बांसिन अखा हायो। 45 जौखोन्दोआव सरासन्ना अखा हायो आरो 31 जौखोन्दोआव खम अखा हायो।

1 जुनआव दानब्रैनि मौसुमि बोथोर जागायनायनि उननिफ्रायनो हादतआव दासिमाव 190.6 मिलिमिटर (मिमि.) अखा हाखांबाय आरो सरासन्ना अखाया 196.9 मिमि. जायो। जुन दानाव अखाया 11 जौखोन्दो खम जादोंमोन। हादतआव जुन दानाव 147.2 मिलिमिटरल' अखा हादोंमोन आरो सरासन्ना अखाया 165.3 मिलिमिटरनि जायो। फारसेथिं आसामाव दै बानाजों थैनायफोरनि अन्जिमाया बांनानै 56 जाहैबाय। बे दै

बानाजों 29 जिल्लाफोरनि 16 लाखनिखुइ बांसिन सुबुंफोरा गोहोम गोलैदों। रइज्योआव बांसिनै गहाइ दैमाफोरनि दैया अलखदनि सिनखौ बारनानै बोहैगासिनो दड। जाहोनाव आसामनि मुंदांखा काजिरिडा माहारियारि हग्रायाव दासिमाव गासै 17 जुनातफोर दैयाव गोदोनानै थैखंबाय आरो गासै 72 गुबुनफेरखौ दै बानानिफ्राय रैखा खालामबाय। बेनि गेजेरजों आसामनि गिबि मन्थि शर्माआ रइज्योआव दै बानानि थासारिया कन्ट्रलआव दड होन्ना फोरमायदों।

